

University of Toronto
Library
c 760/1a
ASIAN COLLECTION



古今歷代標題註釋十九史略通攷卷之五

前進士廬陵曾先之編次

松塢門人鄱陽竹窩余進宗海通攷

唐

唐高祖神堯皇帝姓李氏名淵隴西成紀人也

西涼武昭王暋之後世紀暋生欽欽生重耳重

虎祖虎仕西魏有功封隴西公父昞於周世封

唐公昞音丙淵襲爵隋煬帝以為弘化留守御衆

寬簡人多附之御治也煬帝以淵相表奇異名應

圖讖忌之淵懼縱酒納賂以自晦相應皆有李氏

將與之語故云
名應圖識也

天下盜起以淵為山西河東撫

慰大使承制黜陟討捕羣盜多捷突厥寇邊詔

淵擊之

使去聲

淵次子世民聰明勇決識量過人

見隋室將亂陰有安天下之志與晉陽宮監裴

寂晉陽令劉文靜相結

量監令皆去聲
官監掌宮禁之官

文靜

謂世民曰今主上南巡羣盜萬數當此之時有

真主驅駕而用之取天下如反掌耳太原百姓

收拾可得十萬人尊公所將兵後數萬以此乘

虛入關號令天下不過半年帝業成矣世民笑

曰君言正合我意乃陰部署而淵不知也

主上指煬

帝驅駕驅策駕馭也用之謂用羣盜也反掌言易也尊公謂世民父也會淵兵拒

突厥不利恐獲罪世民乘間說淵順民心興義
兵轉禍為福淵大驚曰汝安得為此言吾今執
汝告縣官世民徐曰世民觀天時人事如此故
敢發言必欲執告不敢辭死淵曰吾豈忍告汝
慎勿出口間去聲說音稅下並同○縣明日復
說曰人皆傳李氏當應圖讖故李金才無故族
滅大人能盡賊則功高不賞身益危矣惟昨日
之言可以救禍此萬全策願勿疑淵歎曰吾一
夕思汝言亦大有理今日破家亡身亦由汝化

家為國亦由汝矣

大人子尊父之稱

先是裴寂私以晉

陽宮人侍淵至是淵從寂飲酒酣寂曰二郎陰

養士馬欲舉大事正為寂以宮人侍公恐事覺

併誅耳

為去聲○二郎謂世民

煬帝以淵不能禦寇遣使

者執詣江都世民與寂等復說曰事已迫矣宜

早定計且晉陽士馬精強宮監蓄積巨萬代王

幼冲關中豪傑並起公若鼓行而西撫而有之

如探囊中物耳

巨鉏同音貪取也

淵乃詐為敕書發太

原等郡民為兵擊高麗由是人情恟恟思亂者

衆

恟許反

乃命世民等召募起兵遠近赴集仍遣

使借兵於突厥募音慕時李密自恃兵強欲為盟

主淵卑詞推獎以驕其志密大喜自是信使往

來不絕獎音蔣世民引兵拔西河遂取霍邑克臨

汾絳郡下韓城降馮翊陳氏曰西河郡名霍邑臨汾韓城皆縣名絳郡

今絳州馮翊即同州也淵留兵圍河東自引兵西遣世子

建成守潼關世民徇渭北關中羣盜悉降於淵

合諸軍圍長安克之立恭帝淵自為大丞相封

唐王加九錫尋受禪立建成為太子世民為秦

王元吉為齊王元吉淵弟三子也

胡氏曰武王伐紂數紂罪多矣煬帝皆有之

而弑父殺兄則紂之所未有其當討無疑矣
使李淵聲其大逆不道之罪而舉兵討之則
雖德非成湯亦無愧於自亳之載世民不必
用宮人私侍以劫父也不必詔為敕書發民
以鼓怨也不必稱臣突厥以借兵也不必尊
江都而立代王也不必推獎李密以驕其志
也堅守晉陽收召豪傑厚集其衆分擊二京
義聲既振羣盜自下乃遣良將統銳師南指
揚土則不逾旬時罪人斯得天下歸唐其孰
能禦之惜乎世民有安天下之志才足以撥

亂而無湯武反身之學劉文靜智謀之士耳
裴寂又出其下故雖乘時舉事不旋踵成功
然用智術違義理者多矣

隋越王侗稱皇帝

侗音通煬帝孫也時為東都留守為衆所立稱帝於洛陽

○秦主薛舉卒子仁果立○魏公李密與隋戰
大敗遂降唐○隋宇文化及弑秦王浩自稱許

帝○涼王李軌稱帝○唐秦王世民破秦秦主

仁果出降斬之於市

秦自薛舉僭號至二世凡二年亡○徐世

勣降唐賜姓李氏

勣音聖李密將也

范氏曰古者天子建國賜姓命氏所以別其

族類之所出子孫各本於其祖不可改也漢
祖賜婁敬姓為劉鄙陋無稽甚矣而唐世遂
以為法或加於盜賊夷虜遂以逆族異類為
同宗然則古之賜姓者別之而後之賜姓者
亂之也夫天親不可以人為而強欲同之豈
理也哉上瀆其姓下忘其祖非先王之制不
可為後世法也

官李密叛行軍總管盛彥師討斬之

魏李密降唐復

叛共二

○夏王竇建德破宇文化及誅之

許字

及隋

凡

○隋王世充自稱鄭王尋稱帝而弑

其主侗

隋主侗僭號一年亡

○唐遣將襲執涼主軌以歸

殺之河西平

涼李軌僭號至是凡三年而亡

○沈法興稱梁王

於毗陵

毗音皮毗陵郡名即延陵

○李子通稱吳帝於江都

○杜伏威降唐○唐秦王世民擊之楊將宋金

剛破之定楊可汗劉武周及金剛皆走死

劉武楊

周僭號三年亡

○唐秦王世民伐鄭○吳主子通襲梁

梁王法興走死

梁沈法興僭號凡二年亡

○夏王竇建德救

鄭唐秦王世民大破擒之鄭主王世充降世民

至長安獻俘太廟斬建德赦世充尋使人潛殺

之

俘音孚○夏竇建德稱王凡五年亡鄭王世充僭號凡三年而亡

卷五

五

五

愚按王世充弑其君而自立其罪大矣是宜
明正其罪而誅之可也世民既赦之而又潛
殺豈義也哉

夏故將劉黑闥起兵於漳南○唐遣將李靖伐

梁梁士蕭銑降送長安斬之梁蕭銑僭號凡五年而亡○杜

伏威擊吳主李子通執送長安斬之吳李子通僭號凡三年而亡

○劉黑闥稱漢東王○楚主林士弘卒其

衆遂散楚林士弘僭號凡七年而亡○唐淮南道行臺僕射

輔公祏反於丹陽唐將李靖擊斬之祏音石公祏○

名也丹陽縣名屬鎮江○漢東將執劉黑闥降唐斬之漢東

凡劉黑闥僭號○唐慶州都督楊文幹反遣秦王

世民討平之慶州屬鞏昌即弘化郡突厥入寇遣秦王

世民禦之遇於幽州世民帥騎馳詣虜陣告之

曰我秦王也虜不敢戰受盟而退騎去○唐興

七年僭偽皆亡天下既定是歲初置州縣鄉學

帝親詣國子學釋奠于先聖先師禮上丁釋奠

也先聖謂孔子始定官制頒新律令令去定均

田租庸調法調去聲下並同○均田謂高下授

絹絕布其丁中之民給田一頃丁當也中當強壯

下通也十六為中二篤疾減十之六只四寡妻

妾減七十只三皆以什之二為世業八為口分分

聲○謂十分為率以二分為世業八分也蓋每丁有父母妻子者給田百畝內除二十

者畝永為己業如無父母妻子每丁歲入租粟二

石調隨土地所宜綾絹絕布純音尸○集覽曰皮帛之細曰綾絹

如麥稍曰布蓋隨其所產緯曰絕經緯皆桑曰布蓋隨其所產以為調也歲後二旬不

役則收其傭日三尺傭與庸通○集覽曰唐用入力歲二十日不役則收

其綾或絹或絕或布日三尺亦隨其土產所宜也有事而加役者旬有

五日免其調三旬租調俱免或官府有事而加後至十五日者則

免其租調至三十日者則租調俱免水旱蟲霜什損四以上免租

損六以上免調損七以上課役俱免課役謂租庸調也

民貲業分九等

九等謂上上上中上下中下也

戶為里五里為鄉四家為隣四隣為保在城邑

者為坊田野者為村音妨食祿之家無得與民

爭利工商雜類無預士伍無母通禁止男女始

生為黃四歲為小十六為中二十為丁六十為

老黃謂幼雅髮黃也歲造計帳三歲造戶籍每年造

賦稅簿帳三年造戶口籍冊○初唐之起晉陽皆世民之謀

帝欲以世民為儲嗣世民固辭而止太子曰諸

為固也太子建成喜酒色遊畋齊王元吉多過失

而世民功名日盛建成與元吉乃協謀傾世民

曲意諂事諸妃嬪世民獨不事之由是左右皆

譽建成元吉而短世民譽平聲○協也譽稱美

也○武德九年六月太白經天見秦分見音現

○天官書云太白經天則天下革政晉灼曰太白陰宿金星也上公大將軍之象出東當伏東

出西當伏西過午為經天謂晝見午建成元吉上秦分屬未蓋見午而被於未也

欲殺世民秦府僚屬勸王行周公之事力請乃

決

按管蔡與武庚作亂謀危宗社得罪於天下

周公奉行天命討而誅之以安王室其事正

其心公也世民以建成元吉欲害已乃殺之

而安其位其事不正其心私也嗚呼聖人不
得已而處事之變後人妄以為擬不亦異哉

於是密奏兄弟專欲殺臣似為世充建德報讎

為明日帥兵伏玄武門建成元吉入覺有變

欲還世民追射建成殺之尉遲敬德射殺元吉

遂立世民為太子軍國事悉委太子處決然後

奏聞

射音石處音梓○尉遲姓敬德名軍兵
事國民事也先言軍者以兵為重也

司馬公曰立嫡以長禮之正也然高祖所以

有天下皆太宗之功隱太子以庸劣居其右

地嫌勢逼必不相容鄉使高祖有文王之明

史記卷五
隱太子有秦伯之賢太宗有子臧之節則亂
何自而生哉既不能然太宗始欲俟其先發
然後應之如此則事非獲已猶為愈也既而
為羣下所迫遂至蹠血禁門推刃同氣貽譏
千古惜哉

初東宮官屬魏徵屢勸建成除世民及是世民
召徵責以離間兄弟徵舉止自若對不屈世民
禮之王珪亦嘗為建成謀皆以為諫議大夫

澗○自若謂
不驚懼也

范氏曰桓公殺公子糾管仲不死又相之何

哉蓋桓公兄也子糾弟也仲私於所事輔之以爭國非義也桓公殺之雖過而糾之死實當是以管仲不得終讎桓公而得以為君今建成為太子且兄也世民為藩王又弟也王魏受命為東宮之臣則建成其君也豈有人戮其君而可以北面為東宮之臣乎夫食君之祿而不死其難朝以為讎暮以為君罪莫大焉後雖有功何足贖哉

朱子曰管仲有功而無罪故聖人不責其死而稱其功王魏先有罪而後有功則不以相

掩可也

帝自稱太上皇詔傳位於太子是為太宗文武

皇帝

宗尊也主也善有德河宗以為不遷之廟至漢

猶然自唐以降不論初德廟號皆稱其宗變古實始於唐云

史斷曰唐之興蓋以人厭隋亂高祖起太原

初伐西河首斬佞臣慰撫居民秋毫無犯義

聲所暨聞者響應於是取霍邑克汾絳降馮

翊守潼關徇渭北乘勝攻圍遂克長安雄據

京邑興王之業已定於此自時厥後降李密

於黎陽俘建德於河北擒世充於東都芟武

周於并州翦黑闥於山東夷蕭銑於江陵殄
仁杲於涇水六年之間海內咸服其成功何
其速哉蓋以太宗為之予也惜其舉事之初
設詐罔衆殺人利己况昵裴寂之邪而受宮
女聽劉文静之說而臣突厥以此貽謀何以
為訓是以唐世人主無正家之法戎狄多猾
夏之禍蓋高祖以此始也然能定律令置學
校旌擢孫伏伽李素立等又錄隋之子孫量
才授任由魏晉以降最為忠厚其享國久長
豈無自而然哉

太宗文武皇帝名世民幼日有書生見之曰龍

鳳之姿天日之表其年幾冠必能濟世安民書

生去高祖使人追之不見乃求其語為名幾音

音貫○姿容姿也表儀表也年十八舉義兵李

密降唐初見高祖色尚傲及見秦王不敢仰視

退而歎曰真英主也傲驕也高祖以秦王功高特

置天策上將位在王公上以秦王為之開府置

屬開館以延文學之士杜如晦房玄齡虞世南

褚亮姚思廉李玄道蔡允恭薛元敬顏相時蘇

勗于志寧蘇世長薛收李守素陸德明孔穎達

蓋文達許敬宗為文學館學士分為三番更日

直宿王暇日輒至館中討論文籍或至夜分使

閤立本圖像褚亮為贊號十八學士士大夫得

預其選者時人謂之登瀛洲相去聲長上聲蓋轄臘反更音庚○

番猶次也以十八人分為三番每以六人為一

番入直也夜半也圖像謂圖畫十八人形

象也登瀛洲謂如登仙也時府僚多補外如晦亦出玄齡曰

餘人不足惜如晦王佐才大王欲經營四方非

如晦不可王即奏留之使參謀帷幄剖決如流

補外謂除為外郡官也玄齡每入奏事高祖曰玄齡為吾

兒謀事雖隔千里如對面語聲為去秦王功蓋天

下身幾危賴玄齡等決策至是即位首放宮女

三千餘人

幾平聲近也決策謂誅建成元吉也

○突厥頡利突利

二可汗合十餘萬騎入寇進至渭水便橋之北

上自與房玄齡等六騎往詣渭水上與頡利隔

水語責以負約突厥大驚皆下馬羅拜俄而諸

軍繼至旌甲蔽野頡利懼請盟而退

騎去聲

○置

弘文館聚四部書二十餘萬選天下文學之士

虞世南等以本官兼學士聽朝之隙引入內殿

講論前言往行商榷政事或夜分乃罷取三品

以上子孫充弘文館學士

朝音潮推音角

論音倫皆去聲○陳氏曰四

部書謂經書史書子書文集也推較也

○有上書請去佞臣者曰

願陽怒以試之執理不屈者直至也畏威順旨

者佞臣也上曰吾自為詐何以責臣下之直乎

朕方以至誠治天下

去上聲除也陽詐也偽也

或請重法禁

盜上曰當去奢省費輕徭薄賦選用廉吏使民

衣食有餘自不為盜安用重法邪自是數年之

後路不拾遺商旅野宿焉

去上聲

上嘗曰君依於

國國依於民刻民以奉君猶割肉以充腹腹飽

而身斃君富而國亡矣

猶如也斃音敝死也

又嘗謂侍臣

曰聞西域賈胡得美珠剖身而藏之有諸曰有

之上曰吏受賕抵法與帝王徇奢欲而亡國者

何以異此胡之可笑邪

賈音古賕音求○賈胡謂胡人為商賈者賕賄

賂也抵魏徵曰昔魯哀公謂孔子曰人有好忘

者徙宅而忘其妻孔子曰又有甚者桀紂乃忘

其身亦猶是也

好去聲徙移也

○張蘊古獻大寶箴

有曰以一人治天下不以天下奉一人又曰壯

兀重於內所居不過容膝彼昏不知瑤其臺而

瓊其室羅八珍於前所食不過適口惟狂罔念

丘其糟而池其酒又曰勿沒沒而闇勿察察而

明雖冕旒蔽目而視於無形雖黻纁塞耳而聽

於無聲上嘉其言

○沒或作汶閭暗同蘇他○反

集覽曰八珍謂淳熬淳母炮豚炮狝擣珍漬熬

肝膏也沒沒沉滅之意冕冠也旒旒垂玉也天子

之旒十有二垂皆過目示不外視也黼黃色也

續綿也以黃綿為九用組垂之於冕當兩耳旁

示不外○分天下為十道因山川形便曰關內

聽也○河南河東河北山南隴右淮南江南劔南嶺南

太宗以民少吏多思革其○遣將討梁師都其

樊故分天下為十道云

下殺之以降以其地為夏州○夏州屬甘肅即朔

凡十二○太常祖孝孫奏唐雅樂○祖姓孝○貞

年而亡

觀二年又出宮女三千餘人

是時天旱以宮人

出之○故事軍國大事中書舍人各執所見雜

也

署其名謂之五花判事中書侍郎中書令省審

之給事中黃門侍郎駁正之

省悉并反駁音制○故事猶言舊制

也省察也駁雜議也

上謂王珪曰國家本置中書門下以

相檢察卿曹勿雷同也

中書門下二省名時珪同聲相應曰雷同時珪

為侍中房玄齡杜如晦為僕射魏徵守秘書監

叅預朝政

射音夜朝音潮後並同

玄齡謀事必曰非如晦

不能決及如晦至卒用玄齡策蓋玄齡善謀如

晦善斷二人同心徇國故唐世稱賢相推房杜

焉

斷去聲決也推尊尚也

徵嘗告上曰願使臣為良臣勿

使臣為忠臣上曰忠良異乎對曰稷契臯陶君

契音雪陶音遙
音旁爭去聲○稷逢

契臯陶堯舜之臣龍
逢比干桀紂之臣龍

○初突厥既強敕勒諸部

分散有薛延陀回紇等十五部皆居磧北

積磧
○音

集覽曰十五部曰薛延陀曰回紇曰都播曰骨
利幹曰多蓋葛曰同羅曰僕固曰拔野古曰思

結曰
雷總
渾曰
號敕
薛辭
薛曰
奚號
鐵結
曰阿
北跌
石磧
曰契
之苾
也曰
白頡

利政亂薛延陀回紇等叛之加以民大饑羊馬

多死奉使者還及邊帥皆言突厥可取之狀詔

以李靖為定襄道行軍總管統諸軍討之靖襲

破突厥於陰山頡利可汗遁走唐將擒之以獻

使去聲○陰山在開平北東西千餘時突利可里草木茂盛多禽獸突厥依阻其中

汗先已入朝上處突厥降衆東自幽州西至靈

州分突利地為四州分頡利地為六州左置定

襄都督右置雲中都督以統其衆以突利為順

州都督頡利為右衛大將軍

處上聲○陳氏殷曰靈州屬甘肅今

朔慶軍是也順州屬北平

范氏曰先王之制戎狄荒服夷不亂華所以

辨族類別內外也太宗既滅突厥而引諸戎

入中國使殊俗醜類與公卿大夫雜處朝廷

蓋欲冠帶四夷以誇示天下而不知亂華亦

甚矣是以唐世有夷狄之亂豈非太宗之所
啓乎

林邑遣使入貢

使去聲

林邑南蠻國名

伊吾來降置伊

西州

郡

蹄云

伊州

伊吾

郡也

高昌王

麴文泰

入朝

高昌西

域國名

先是

四夷君

長詣闕

請上為

天可汗

上曰我為

大唐天子

又下行

可汗事乎

羣臣及

四夷皆稱

萬歲自是

後重書

賜西北

君長皆稱

天可汗

長上聲

范氏曰太宗以萬乘之主而兼為夷狄之君

不恥其名而受其佞事不師古不可以為後

世法也

四年蔡公杜如晦卒上語及必流涕○是歲大

有年

春秋傳曰有年者大稔年也

上之初即位也

嘗與羣臣語及教化曰大亂之後其難治乎魏

徵對曰饑者易為食渴者易為飲

易音異○朱

食言飢渴之甚不待甘美也

封德彞曰三代以還人漸澆詭

故秦任法律漢雜霸道蓋欲化而不能豈能之

而不欲邪

澆堅澆石薄也詭詐也

徵曰五帝三王不易民

而化湯武皆棄大亂之後身致太平行帝道而

帝行王道而王顧所行何如耳

易音亦

上卒從

徵言

卒也

元年關中饑斗米直絹一匹二年天

下蝗三年大水上勤而撫之未嘗嗟怨為匹至

是天下大稔斗米三四錢終歲斷死刑纔二十

九人東至于海南及五嶺皆外戶不閉行旅不

齎糧取給於道路焉

斷去聲○稔豐熟也五嶺大庾始安臨賀桂陽揭陽

也上曰魏徵勸我行仁義今既效矣惜不令封

德彛見之蓋德彛於元年六月死矣

令平聲

范氏曰太宗可謂能審取舍矣魏徵仁義之

言也欲順天下之理而治之封德彛刑罰之

言也欲拂天下之性而治之夫民莫不惡危

而欲安惡勞而欲逸以仁義治之則順以刑
罰治之則拂故治天下在順之而已拂之而
能治者未之有也太宗從魏徵言行之四年
遂至太平其治效之速如此及其成功復歸
美於下此近世帝王所不及也

五年林邑新羅入貢

新羅東夷國名○通鑑林邑新羅獻五色鸚鵡

女二人魏徵以為不宜

○党項內附開其地為

十六州

党項音黨巷西羌別種即

○七年春宴

玄武門奏七德九功舞徵欲上偃武修文每侍

宴見七德舞輒俛首不視七德舞者秦王破陣

曲也見九功舞則諦觀之王珪罷徵為侍中音諦

帝○七德舞太宗為秦王時破劉武周之樂蓋取禁暴戢兵保大定功安民和衆豐財之義也

九功舞唐功成慶善之樂蓋取書九功惟叙之義也諦審也○上親錄囚徒

見應死者閔之縱使歸家期以來秋就死仍赦

天下死囚皆縱遣至期來詣京師至是皆如期

自詣朝堂上皆赦之凡三百九十人○上奉太

上皇置酒未央宮上皇命頡利可汗起舞馮智

戴詠詩笑曰胡越一家古未有也未央宮在安西馮姓智戴

名南蠻酋長也胡謂頡利越謂智戴○八年吐蕃遣使入貢吐蕃西羌

種別○九年太上皇崩上皇即位九年而禪位至

是又九年○吐谷渾先是入寇涼州以李靖帥

諸軍討平之十年吐谷渾遣子入侍○治書侍

御史權萬紀言宣饒銀大發采之歲可得數百

萬上曰卿未嘗進一賢才而專言銀利昔堯舜

抵璧於山投珠於谷漢之桓靈乃聚錢為私藏

卿欲以桓靈俟我邪黜之藏去聲○宣饒二州

西抵擲也投棄也○定府兵府更定名凡十道置

府六百三十四而關內二百六十一皆隸諸衛

及東宮六率隸屬也率帥同陳氏曰六率謂左

要云府以震上府兵凡千二百人中府千入下

兵衛以宿將

府八百人三百人為團團有校尉五十人為隊

隊有正十人為火火有長長上聲○吳氏曰正

旗之小每人兵甲糧裝各有數輸之庫征行給之

也輸納二十為兵六十而免免謂免其能騎射者

為越騎其餘為步兵騎去聲更命統軍別將為折

衝果毅都尉更音庚○改號統軍為折每歲季

冬折衝都尉帥以教戰季冬也當給馬者官與

直官與價直當宿衛者番上更番兵部以遠近

給番兵部量各府兵遠近疎近數皆一月而更

數音朔更音庚代也

鄱陽石氏曰府兵之制無事則耕於野有事則命將以出師還則兵散于府將歸于衛國無養兵之費臣無專兵之患故先儒謂三代而下兵制之善惟唐之府兵耳以為猶得寓兵於農之意蓋近古之良法也惜其子孫不能守爾

愚按唐以遠近分番皆一月而更恐太紛擾不若漢以一歲更代者為善也

十三年夏旱詔五品以上言事魏徵言陛下比貞觀初漸不克終者十條上深獎歎克能也十

條事見魏

徵諫錄

○十四年上詣國子監親釋奠是時大徵

天下名儒為學官數幸國子監使之講論數音

學生能明一經以上者皆得補官增築學舍千

二百間增學生滿三千二百六十員自屯營飛

騎亦給博士授經有能通經者聽得貢舉騎去聲

陳氏曰屯營飛騎左右親軍使於是四方學者

雲集京師乃至高麗百濟新羅高昌吐蕃諸酋

長亦遣子弟請入國學長上聲○百升講筵者

至八千餘人上以師說多門章句繁雜命孔穎

達與諸儒定五經疏謂之正義疏去聲○五經

所著

○高昌王麴文泰先是多過絕西域朝貢及

拘留中國人以侯君集為交河大總管將兵擊

之至是滅高昌以其地為西州

交河高昌所都

城下故名交河

○十五年吐蕃求婚以文成公主嫁之

○十七年鄭公魏徵卒上曰以銅為鏡可正衣

冠以古為鏡可見興替以人為鏡可知得失徵

沒朕亡一鏡矣徵葬上自製碑書石

替廢亡失也豎石紀

碑德

○圖畫功臣長孫無忌趙郡王孝恭杜如

晦魏徵房玄齡高士廉尉遲敬德李靖蕭瑀段

志玄劉弘基屈突通殷開山紇紹長孫順德張

亮侯君集張公謹程知節虞世南劉政會唐儉

李勣秦叔寶等於凌煙閣

長上聲○趙鄴王乃太宗三兄弟也

考索曰唐凌煙功臣凡二十有四人焉夫長
孫無忌非以其肺腑之恩也以其數從征伐
平大難討突厥之功而預焉趙郡王孝恭非
以其宗室之故也以其徇巴蜀破夷陵有方
面之功而預焉房杜之謀謨帷幄共定社稷
足以為元功之首英衛之料敵制勝共平紛
亂足以為元勳之次魏徵之忠謇瀆重世南
之議論懇誠蕭瑀之抑過繩違曾無所憚此

皆以文而有功於社稷者也屈突通之舉兵
圍洛張公謹之副李靖破虜秦瓊之先鋒麋
戰前無堅對此皆以武而有功於社稷者也
其他如尉遲敬德等亦皆崎嶇兵間戮力王
室有功於開創大業者也至於侯君集張亮
雖不克終而其初亦豈無一戰之功焉唐初
功臣可謂盛矣

太子承乾不才魏王泰多能有寵潜有奪嫡之
志侯君集負功怨望以承乾暗劣欲乘釁因勸
之反事覺廢為庶人君集坐誅泰亦以險詐不

立立晉王治為太子魏徵嘗薦君集上始疑徵
阿黨又有言徵自錄前後諫辭示起居郎褚遂
良上愈不悅徵臨終上面指公主欲妻其子叔
至至是停其婚陪所立碑妻去聲謂阿私朋黨也
起居郎官名掌錄天子之動作者蓋欲賣已直彰
君過故太宗不悅也

司馬公曰太宗不以天下大器私其所愛以
杜禍亂之原可謂能遠謀矣

十八年帝親征高麗先是高麗泉蓋蘇文弑其
王建武新羅又遣使言百濟與高麗連兵謀絕

新羅入貢之路乞兵救援上遂討之先如洛陽

蓋古音反使去聲○泉姓蓋蘇文名高麗東部大人也建武高麗王名也

范氏曰高麗臣屬於唐而其主為賊臣所弑為大國者不可不討然何至自征之乎太宗若從褚遂良之言遣將伐之雖不克未大失也

十九年帝發洛陽至定州進諸軍帝渡遼拔遼

東城降白巖城進攻安市城大破其救兵於城

下安市城險兵精堅守不下陳氏曰定州屬河

名出高麗幽州之域遼東議者欲拔烏骨城渡

曰巖安市三城並在東夷

鴨綠水直取平壤覆其本根則餘可不戰而降

島骨城在東夷鴨綠水在高麗東北入于海其水如鴨頭綠因名焉平壤城名高麗所都

或又謂親征異於諸將不可乘危危險上以遼

左早寒草枯水凍士馬難久留且糧將盡救班

師班著還也是行拔十城徙戶口七萬三大戰斬首

四萬餘級然戰士死者幾三千人戰馬死者什

七八不能成功深悔之幾平聲歎曰魏徵若在

不使我有此行也命馳驛祠徵以少牢復立所

製碑少去聲復扶又反

范氏曰太宗玩武不已困於小夷無異於煬

帝蓋不能慎終如始日新其德而欲功過五
帝地廣三王是以失之然見危而思直臣知
過而能自悔此其所以為賢也

二十年帝如靈州遣李世勣擊薛延陀降之招

諭敕勒諸部回紇等十一姓各遣使歸命乞置

官司使去聲○十一姓曰回紇曰拔野古曰同

漢曰薛結曰詔曰朕聊命偏師遂擒頡利始弘

廟畧已滅延陀鐵勒百餘萬戶請為州郡混元

以降殊未前聞宜備禮告廟仍頒示天下字降告如

音谷○編師謂非全師也畧計畫也古者未出
師時先畫策於廟故曰廟畧鐵勒即敕勒也混

元太古也上為詩曰雪恥酬百王除兇報千古刻石

於靈州

陳氏殷曰太王岐山之遷漢高平城之

報也

范氏曰太宗不得志於東夷而欲收功於北
荒因延陀破亡以兵臨之勢如振槁左衽之
民解辯內屬自以為開闢以來未之有也殊
不知中國之與夷狄山川之所限風氣之所
移言語不通嗜欲不同得其地不可居得其
民不可使列為州郡是崇虛名而受實害非
所以遺後嗣安中國之道此當以為戒而不

可法也

二十二年司空梁公房玄齡卒

謚曰文昭

上非蒙白

勝玄齡佐上定天下及終相位二十二年號為

賢相然無迹可尋上定禍亂而房杜不言功王

魏善諫諍而房杜讓其賢英衛善將兵而房杜

行其道理致太平善歸人主為唐宗臣

房杜謂玄齡如

將也王魏謂王珪魏徵也英衛謂英國公李勣衛國公李靖也

○二十三年帝

有疾謂太子曰李世勣才智有餘然汝與之無

恩我今黜之我死用為僕射親任之若徘徊顧

望則當殺之耳乃左遷疊州都督受詔不至家

而去

射音夜疊
州屬鞏昌

范氏曰太宗以世勳為何如人哉以為愚也則不可託幼孤而寄天下矣以為賢也則當任而勿疑乃憂後嗣之不能懷服先黜之而後用是以犬馬畜之也夫欲奪其心而折之以威欲得其力而懷之以恩此漢祖馭黥彭祖詐之術五伯所不為也苟以是心待其臣則祿利之士可使也若夫祿之以天下而不顧繫馬千駟而不視者豈得而用之哉孫氏曰君待臣以道臣以道報之君待臣以

利臣以利報之此必然之理也太宗以勳輔
太子而為此詭計勳之機心豈不曉以利誘
乎廢立之際不肯盡忠雖勳無大臣之節亦
太宗以利啓其心也

帝崩在位二十三年改元者一曰貞觀上雖以
武功定禍亂終以文德綏海內

綏安也

常自以驕

侈為懼嘗曰人主惟一心攻之者衆或以勇力

或以辯口或以諂諛或以姦詐或以嗜欲輻輳

各求自售人主少懈而受其一則危亡隨之此

其所以難也

福音福奏與奏司言衆欲湊集君
如衆輻共轆一轂也售音受賣

也嘗問侍臣創業守成孰難房玄齡曰草昧之
初羣雄並起角力而後臣之創業難矣魏徵曰
自古帝王莫不得之於艱難失之於安逸守成
難矣上曰玄齡與吾共取天下出百死得一生
故知創業之難徵與吾共安天下常恐驕奢生
於富貴禍亂生於所忽故知守成之難然創業
之難往矣守成之難方與諸公慎之陳氏曰草昧
謂不明言隋末紛亂也上自知神采為臣下所
謂力謂競鬪勇力也畏常溫顏接羣臣導人使諫賞諫者以來之惟
末年東征之役褚遂良嘗諫不聽太子立是為

高宗皇帝

東征謂伐高麗也

史斷曰太宗值隋喪亂糾合同志誘說慈父起兵晉陽遂植洪業尋受父禪首用讎臣放出宮女因山東旱而蠲租稅覩畿內煌而抑祥瑞自是夙夜聽覽宵旰忘疲大召名儒增廣學舍行鄉飲以勵風俗躬釋奠而崇文教封比干墓賜老義粟以勸忠孝又錄刺史之名以擬廢置重縣令之選以謹薦舉樂聞直諫好用善謀囚至五覆罪至三訊戒秦皇之營繕恐其奢也懲桓靈之私藏懼其侈也制

度紀綱粲然畢舉是以賊盜化成君子呻吟
轉為謳歌衣食有餘刑措不用突厥之渠繫
頸闕庭北海之濱悉為州縣四夷賓服號稱
太平三代以還中國之盛未之有也然惜其
首復浮屠而政教乖志伐高麗迄死不忘而
武事黷殺張蘊古誅李君羨而刑獄濫仇田
舍翁偃婚仆碑而君臣之好不終上皇徙居
大安畧無尊奉之禮十年之間未央置酒寥
寥一會而父子之恩太簡甚者劫父臣虜弑
兄殺弟滅其十子至駭君親而奪其位他日

亂弟之婦與之生子使繼元吉之後其瀆人
倫可勝美哉故程子曰唐有天下三百年雖
號治平然三綱不正無父子君臣夫婦其原
始於太宗故其後世子孫皆君不君臣不臣
藩鎮不賓權臣跋扈陵遲有五代之亂後世
以太宗為明聖之主不可法也大哉斯言所
以垂訓者深矣

唐高祖

名治母長孫皇后承乾廢長孫無忌

力勸太宗立治在東宮七年太宗嘗作帝範十
二篇以賜曰修身治國盡在其中一朝不諱更

無言矣至是即位長孫無忌褚遂良受先帝遺

詔輔政以李勣為左僕射尋為司空

長上聲射音夜○

孫皇后無忌妹也十二篇謂君體建親求賢審官納諫去讒戒盈崇儉賞罰務農閱武崇文也

不諱謂死也蓋死者人之不諱既死則不復諱之矣○永徽五年以太宗

才人武氏為昭儀

才人昭儀皆宮中女官

武氏故荊州都

督武士驍之女太原人年十四太宗聞其美召

入後宮以貞觀十一年為才人

驍音時天下歌

曲名娥媚娘已成讖

武娥音

貞觀末太白屢書見

太史占云女主昌

見音現

又傳秘記唐三世後女

主武王代有天下

秘音庇

太宗惡之嘗與羣臣宴

令各言小名武衛將軍李君羨官稱封邑皆有

武字而小名五娘太宗愕曰何物女子乃爾健

邪或奏君羨謀不軌遂誅之惡去聲愕音岳驚也軌音鬼轍迹也

言所為不循軌道而謀叛也密問太史李淳風對曰臣仰觀

天象俯察曆數其人已在陛下宮中不過三十

年當王天下殺唐子孫殆盡其兆已成矣王去聲

太宗崩才人年二十四矣為尼帝幸寺見之而

泣時王皇后與蕭淑妃爭寵密令長髮勸上納

之既入而后與淑妃皆失寵遂立為昭儀長上聲

明年上欲廢王后立昭儀為后許敬宗李義府

贊之褚遂良不可以問李勣勣曰此陛下家事

何必更問外人事遂決遂良貶義府參知政事

義府貌若溫恭與人嬉怡而狡險忌克人謂笑

中有刀柔而害物謂之李猫

狡謂狂猾險謂凶危忌謂畏惡克謂

侵害也猫捕鼠獸也武后殺王后蕭妃贈父士彘周國公

尋加贈太原王以長孫無忌不助已深惡之顯

慶四年削無忌官黔州安置遂良先一年卒至

是無忌與初異議者柳奭韓瑗皆被殺

黔音琴奭音式

瑗于顯反○黔州屬州南今紹慶府上苦風眩不能視百官奏事

或使武后決之后性明敏涉獵文史處事皆稱

旨由是委以政事權與人主侔人謂之二聖

音眩

縣慶上聲稱去聲○風眩謂目患風氣也涉獵歷覽雖多不能精研如涉水獵獸也侔齊等也

胡氏曰孔子曰其身正不令而行其身不正雖令不從太宗作帝範以訓太子其事備矣然皆空言也高宗之所取法者太宗之所行也武氏之立其以納巢刺王妃為法乎唐世無正家之法由太宗首惡也

范氏曰高宗欲廢立猶難於顧命大臣而取決於李勣之一言勣若以為不可則武氏必不立矣親賢遭禍唐世中絕皆勣之由其罪

大矣太宗以勲為忠託以幼孤而其大節如此書曰知人則哲惟帝其難之信矣

乾封元年帝封泰山至亳州尊老君為太上玄

元皇帝

亳州屬河南即譙郡老君即李老聃尊為帝者以為追崇其祖也

范氏曰唐祖老子由妖人之言而諂諛者附會之高祖啓其原高宗明皇扇其風遂用方士之言而躋之於上帝卑天誣祖悖道甚矣考索曰唐之祖起於隴西狄道而以為出於老子此何異郭崇韜拜郭子儀墓其不貽笑於君子者幾希矣

以李勣為遼東大總管伐高麗○總章元年李
勣拔平壤高麗王藏降高麗悉平置安東都護

府

藏高麗王名也

○上元元年帝稱天皇后稱天后○

初帝以賤妾子忠為太子后廢之立后之子弘
弘仁孝中外屬心忤后意鴆之立其次賢又以
事廢之而立其次哲

屬音竹連也忤音悟逆也

南宮氏曰虎狼之暴尚不忍食其子而武氏
殺已子如獵狐兔畧無靳色是可忍也孰不
可忍也

上在位改元者十四曰永徽顯慶龍朔麟德乾

封總章咸亨上元儀鳳調露永隆開耀永淳弘
道凡三十四年而政在中宮者三十年矣自褚
遂良等死後羣臣無敢諫者李善感嘗因事一
諫人以為鳳鳴朝陽上崩太子立是為中宗皇
帝山東曰朝陽言善感之因事而諫猶鳳凰之
居高視下而後集也或曰鳳鳴朝陽世不常
有以喻善感之獨諫亦
通事見通鑑永淳元年

史斷曰高宗即位之初與無忌遂良共政日
引刺史門民疾苦尊禮輔相恭己以聽故永
徽之政紀綱設張百姓安阜有貞觀之風察
李道裕希旨而自責行己之不足取信觀胡

人進戲而知所為之不可不慎率是道也豈
不足為賢君哉奈何烝父妾為妻莫念聚麀
之恥縱婦后預政卒招晨牝之凶悲夫

中宗皇帝名顯更名哲既即位尊武后為皇太
后立妃韋氏為皇后改元嗣聖明年武后廢帝

為廬陵王遷房州又遷均州而立其弟豫王旦

為帝

更音庚○房州均州並屬河南

武后臨朝稱制立武氏七

廟

七廟謂始祖昭三穆

英公李敬業起兵討之檄曰一

抔之土未乾六尺之孤安在又曰試觀今日之

域中竟是誰家之天下武后遣將擊殺之

抔蒲侯反

乾音干○敬業勸之孫也土末乾言高宗琅邪

王冲越王貞又舉兵匡復不克而死貞高宗弟

輔中宗也匡復謂匡旦擁虛器者七年改元者四

曰文明光宅垂拱永昌武后大殺唐宗室廢旦

為皇嗣改姓武氏武后自名曌稱皇帝改國號

曰周時年六十七美其位而不得有為也初

寵僧懷義後寵張易之張昌宗兄弟居中用事

易之五郎昌宗六郎佞者曰人言六郎似蓮花

吾謂蓮花似六郎爾懷義其僧名也蓋為尼時

思使入宮營造蓮花似六武后知人心不服且

內行不正畏人議已盛開告密之門用酷吏侯
思正索元禮周興來俊臣吉頊等鍛鍊羅織率
以反逆誣人誅殺不可勝紀用此拊制天下劫

聲勝音汁C人心不服謂宗室大臣怨望也內
行不正謂淫佚也告密告人隱密事也鍛鍊謂

以威刑制人如以火鍊金也羅織謂網
羅無辜織成反狀也拊束也制伏也然有權

數善用入賢才亦樂為之用徐有功仁恕執法

后每屈意從之將相多得入魏元忠妻師德狄

仁傑姚元之皆名相宋璟亦顯於朝樂音洛璟

師德寬厚清慎犯而不校其弟除代州刺史師

德謂兄弟榮寵過盛人所疾也何以自免弟曰

自今人雖唾其面拭之而已師德愀然曰此所以為吾憂也人唾汝面怒汝也而拭之則逆其意而重其怒矣唾不拭自乾當笑而受之耳

唾反嗽音梢乾音干○校計校也疾憎惡也唾口液也拭揩拂也愀然色變貌師德每

薦仁傑而仁傑每毀師德武后語仁傑曰朕用卿師德所薦也仁傑退而歎曰婁公盛德我為

其所包容久矣吾不得窺其際也語為皆去聲○際邊岸也

武承嗣三思營求為太子仁傑從容言於武后曰太宗節風沐雨親冒鋒鏑以定天下傳之子孫大帝以二子托陛下今乃欲移之他族無乃

非天意乎且姑姪與母子孰親陛下立子則千

秋萬歲後配食太廟立姪則未聞姪為天子而

祔姑於廟者也后意稍悟已而又力勸之遂自

房州召帝還都立為皇太子以旦為相王從音

音付相去聲○承嗣三思皆武后姪也擲梳也

沐洗頭也擲風沐雨言歷艱苦也大帝謂高帝

二子謂哲旦仁傑最見信重好面折廷爭后常

屈從稱為國老而不名及卒后泣歎好爭皆元

行冲博學多通仁傑重之行冲多規諫曰凡為

家者必有儲蓄脯醢以適口參朮以攻疾僕竊

料名公之門珍味多矣行冲請備藥物之末仁

傑笑曰吾藥籠中物何可一日無也

參朮苦參
蒼朮也

味謂參

朮

姚元崇等數十人皆仁傑所薦或

曰天下桃李悉在公門矣仁傑曰薦賢為國非

為私也

為去聲

后嘗問仁傑欲得一佳士用之仁

傑曰有張柬之者雖老宰相才也後竟用柬之

為相

柬音簡

武后疾甚柬之與崔玄暉敬暉桓彥

範袁恕己率羽林將軍李多祚等舉兵討內亂

迎帝於東宮斬關而入斬易之昌宗於廡下遷

后於上陽宮上尊號曰則天大聖皇帝是冬殂

年八十二易唐為周者十有六年改元者十一

曰天授如意長壽延載曰天冊萬歲曰萬歲通

天曰神功聖曆久視大足長安

上陽宮在東都禁苑之東

愚按張柬之等誅二張黜武氏中宗復辟其
有功於唐固不細矣然亦未盡善也蓋武氏
以太宗才人蠱惑嗣帝幽廢儲君竊攘神器
屠害諸王毒痛四海易唐為周無異莽操其
罪不容誅矣柬之等兵既入宮當先奉中宗
復位即以武氏至唐太廟數其罪廢為庶人
賜之死而滅其宗然後足以慰在天之靈雪
臣民之憤而天地之常經立矣惟其不然故

不旋踵而有韋后武三思之禍惜哉

長安之五年帝復位國復號為唐韋氏復為皇
后上在房州每欲自殺后每止之上與私誓異
時幸復見天日惟所欲不禁至是每臨朝后必
施帷幔坐殿上預聞朝政如武后在高宗之世

房陵郡名
即房州

上女安樂公主適武三思子崇訓三

思以是得入宮禁通於韋后后與三思雙陸而

上為點籌上遂與三思圖議政事張柬之等皆

受制五人皆賜王爵而罷政已而遠貶殺之

樂音

洛為去聲○雙陸擲戲博采也五人謂
張柬之崔玄暉敬暉恒彥範袁恕己也

愚按張柬之等但知反正廢主而不能以大義為唐室討武后誅三思等故其末流之禍遂至於此尚誰咎哉薛季昶所謂去草不去根終當復生劉幽求謂武三思尚存張柬之等終無葬地可謂有先見之知矣

安樂公主等依勢用事請謁受賕降墨敕除官

斜封付中書時謂之斜封官凡數千人

賕音求賂賂也

吳氏曰墨敕者無朱紅印信也凡天子敕書頒中書省宣署施行謂之正敕是時公主嬖幸私出墨敕故人有上言皇后淫亂上面詰之其人

抗言不撓中書令宗楚客矯制撲殺之上意快

快后及其黨始懼馬秦客楊均皆幸於后恐事
泄安樂公主亦欲后臨朝以已為皇太女乃相
與謀於餅餠中進毒弑之上自即位二月而被
廢居均州者一年居房州者十三年還為太子
者七年復位者又六年通二十七年改元者三
曰嗣聖神龍景龍撓屈也矯制詔制也后
立溫王重茂而攝政相王子隆基起兵討亂斬
后及安樂公主并其黨皆誅之廢重茂奉相王
立之是為睿宗皇帝重茂中宗第四子也
史斷曰中宗即位之初遇寵后父為母所廢

流離艱苦垂十四年賴忠義之臣出死力以
救始得歸京師及其復位昏愚尤甚追曩昔
天日之言忘今日冰霜之戒縱豔妻以煽黨
信妖女以撓權姦惡日滋淫穢彰聞尊寵三
思而武氏再得志矣貶損譙王而愛子亦不
保矣竄殺五王而功臣俱罹禍矣崇獎僧道
而異端恣橫公主開府而女謁盛行殺韋月
將斥宋璟尹思貞而忠言壅底甚者御梨園
幸隆慶池幸玄武門觀宮女拔河召近臣入
閤守歲觀燈於市里恣情極欲荒淫不厭紀

綱制度無一條理是中宗親遭母后之難而躬自蹈之豈非下愚不移者歟迹其一身始為母所廢終為妻所殺而四子皆不得而死嗣亦不傳豈天穢其德而絕之邪抑彼自絕于天云耳

睿宗皇帝名旦初中宗廢武后立旦為帝者七年而廢為周皇嗣者九年改封相王者十年至是復為帝立隆基為太子宋璟姚崇為政二人協心革弊政進忠良退不肖賞罰盡公請託不行紀綱修舉當時翕然貶祝欽明等欽明常為

八風舞人曰五經掃地矣

祭筮蹄云欽明為國子因飲宴而舞轉

目搖頭備諸醜態以象八方之厚也○上妹太平公

主於誅二張誅韋氏皆有力既屢立大功益尊

重上常與議政權傾人主其門如市二張謂易之昌宗

悼太子英武欲易之賴韋安石宋璟張說姚元

之等感悟上意政事皆取太子處分說音悅處上聲分去

聲上自復為帝改元者二曰景雲太極至是三

年自稱太上皇傳位於太子是為玄宗明皇帝

史斷曰睿宗因其子之功而在位不久固無

足稱者然能任姚宋革中宗弊政罷斜封官

廢崇恩廟紀綱修飭當時翕然以為復有貞
觀之風未幾天文示變遂以大位付之於子
實大公之心安社稷之計也奈何惑於一妹
明斷不足雖傳位而不授之以政自稱太上
皇而猶斷大事卒釀成其妹之惡使奸入黨
附幾成逆謀惜哉

玄宗明皇帝名隆基初為臨淄王韋氏之亂陰
聚才勇之士密謀匡復太宗初選驍勇為百騎
武后增為千騎隸左右羽林中宗謂之萬騎置
使領之隆基皆厚結其豪傑卒誅韋氏奉睿宗

封為平王睿宗將建儲嫡長子成器以平王有

功力讓之遂為太子尋受禪

騎使皆去聲長上聲○隸屬也建立

也儲太子也

○開元元年以高力士為右監門將軍

知內侍省事初太宗定制內侍省不置三品官

黃衣廩食守門傳令而已至是除三品將軍者

寢多宦官增至三千人內侍之盛始此

寢漸也

范氏曰自古國家之敗未有不由輕變祖宗

之舊制也夫中人不可假以威權蓋近而易

以為姦也明皇不戒履霜堅冰而輕變太宗

之法崇寵宦者增多其負自是以後寢干國

政末流之禍蓋基於此書曰監于先王成憲其永無愆為人後嗣可不念之哉

以姚崇為紫微令

元之避開元尊號復名崇時改中書省為紫微省門下省

為黃門省侍中為監僕射為左右丞相

○二年上以太常禮樂之

司不應典倡優雜伎乃更置左右教坊以教俗樂又選樂工宮女數百人自教之謂之皇帝梨

園弟子

更音庚○典主也俗樂即倡優雜伎也

胡氏曰玄宗不以太常典俗樂是也乃更置坊院盛選工女而自教之則是以天子而典倡優矣其可乎夫以顏子亞聖之資夫子尚

以放鄭聲為戒況玄宗乎大臣之責務引其
君以當道以格其非心而防其微漸者也姚
崇於是昧其所職矣

焚珠玉錦繡於殿前

上以風俗奢
侈故焚之

司馬公曰明皇之始欲為治能自刻勵節儉
如此晚節猶以奢敗甚哉奢靡之易以溺人
也詩曰靡不有初鮮克有終可不慎哉

作興慶宮置樓西曰花萼相輝南曰勤政務本

宋王成器等宅環其側

花萼相輝取詩常棣
之花萼不韡韡之義

○

三年以盧懷慎為黃門監懷慎清謹儉素妻子

不免飢寒所居不蔽風雨姚崇嘗謁告十餘日
政事委積懷慎不能決崇出須臾裁決俱盡顧
謂紫微舍人齊澣曰我為相何如澣曰可謂救
時之相懷慎知才不及每事推崇時謂之伴食
宰相竭告請謁告歸也委積音畏恣儲聚也

司馬公曰夫不省用事為其僚者愛身保祿
而從之不顧國家之安危是誠罪人也賢智
用事為其僚者愚惑以亂其治專固以分其
權媚疾以毀其功復戾以竊其名是亦罪人
也姚崇唐之賢相懷慎與之同心以濟太平

之政夫何罪哉秦誓所謂寔能容之懷慎之謂矣

四年姚崇罷以宋璟為黃門監璟為相務擇人百官各得其職好犯顏正諫上甚敬憚之璟與崇相繼為政崇善應變璟善守文志操不同然協心輔佐使賦役寬平刑罰清省百姓富庶唐世賢相前稱房杜後稱姚宋他相莫得比二人每進見上輒為之起去則臨軒送之及李林甫為相雖寵任過於姚宋然禮遇殊卑薄矣好去聲

音現為之
之為去聲

范氏曰三公坐而論道天子所與共天位治
天職者也故其禮不可不尊其任不可不重
自堯舜至于三代尊禮輔相詩書著矣漢承
秦弊崇君卑臣然猶宰相進見天子御坐為
起在輿為下所以禮貌大臣而風厲其節也
開元之初明皇勵精政治優禮故老姚宋是
師天寶以後宴安驕侈倦求賢俊委政羣下
彼小人者惟利是就不顧國體巧言令色以
求親昵人主甘之薄於禮而厚於情是以林
甫得容其姦故人君不敬禮大臣則賢者日

退而小人日進矣

八年宋璟罷○九年宇文融言天下戶口逃移

巧偽甚衆請加檢括同平章事源乾曜賛成之

以融為勸農使奏置勸農判官十人分行天下

競為刻急州縣承風勞擾百姓苦之使去聲○檢括謂點

檢搜括使各附籍當差也○十年同三品張說建議召募壯

士旬月得精兵十三萬分隸諸衛更番上下兵

農之分始此說音悅更音庚

范氏曰唐制諸衛府有為兵之利而無養兵

之害田雖不井而兵猶藏於農最為近古而

便於國者也開元之時其法寢隳非其法不善蓋人失之也張說不究其所以而輕變之兵農既分卒不能復惜哉

二十一年以韓休同平章事休為人峭直上或遊宴小過輒謂左右曰韓休知否言訖諫疏已至左右曰休為相陛下殊瘦於舊上歎曰吾雖

瘠天下肥矣休罷張九齡繼之

峭七肖反峻也殊絕也瘠音夕

瘦也九齡韶州曲江人公謹之後

○二十二年以張九齡為中

書令李林甫同三品林甫柔佞多狡數深結宦官及妃嬪家伺上動靜無不知之由是每奏對

常稱旨

伺音似稱去聲○伎數伎猾術數也

○

二十四年幽州節度使張守珪執敗軍將安祿

山送京師張九齡批曰守珪軍令若行祿山不

宜免死上惜其才勇赦之九齡力爭曰祿山有

反相不誅必為後患上曰卿勿以王夷甫識石

勒枉害忠良竟不誅祿山本營州雜胡初名阿

荦山毋再適安氏故冒其姓部落破散逃來伎

黠善揣人情為守珪所愛又有史宰干者與祿

山同里閑亦驍勇守珪遣入奏事上賜名思明

使將

爭相皆去聲荦音洛黠音轄宰蘇骨反閑音汗○王衍見石勒識其有反相將收之勒已

去矣卒禍晉室營
州屬遼西點慧也

胡氏曰祿山敗軍其罪應誅九齡直以軍法
爭論其理自勝乃言未來之事斷其後患故
玄宗得以拒之惜哉

千秋節羣臣皆獻寶鏡張九齡述前世興廢為

千秋金鑑錄五卷上之玄宗以生曰為千秋節

今以皇帝生日為聖節○張九齡罷為右丞相

以李林甫無中書令上在位久漸肆奢欲又欲

子九齡皆力爭之九齡

胡氏曰忠愛其君者必思納諸無過之地而

不計一身之安危不忠不愛者惟其身之營
使君荒怠昏亂而不恤也九齡可謂愛君矣
然以違拂對順從則有恭與不恭之似以恣
肆對儆戒則有樂與不樂之殊惟聰明睿智
之君則知違拂之為恭而順從之為大不恭
也知儆戒之可樂而恣肆之有大不樂也若
明皇稍有持盈守成恐及危溢之心使九齡
常立于朝則放心必收禍亂必弭嗚呼九齡
可謂古之大臣矣

二十五年殺監察御史周二諒貶張九齡為荊

州長史

長上聲怒命撲殺之

子諒彈牛仙容非宰相才上

之遂貶

○廢太子瑛鄂王瑤光王琒而殺之

駙馬都尉

楊洄讚瑛等潛構異謀李林甫讚成之遂賜死

○二十六年立忠王瑒

為太子改名亨

玄宗第三子

○二十九年以安祿山

為營州都督祿山傾巧善事人上左右至平盧

皆厚賄歸譽之上益以為賢○天寶元年以安

祿山為平盧節度使

使去聲下並同平盧城名在漁陽

○二年

安祿山入朝

上寵待祿山甚厚謁見無時

○三年春正月改

年曰載以安祿山兼范陽節度使○四載以楊

太真為貴妃

貴妃宮中女官名

故蜀州司戶玄琰女也

為上子壽王妃十年矣上見其美令自以其意

乞為女官且為壽王別娶而後納之遂專寵為

之為去聲○蜀州屬四川今崇慶府○六載以安祿山兼御史大

夫祿山請為貴妃兒○九載賜祿山爵東平郡

王兼河北道採訪處置使祿山入朝楊釗兄弟

姊妹皆往戲水迎之處上聲釗音希釗貴妃之從

祖兄也不學無行善窺上意所愛惡而迎之先

是判度支屢奏帑藏充物上率羣臣觀之由是

視金帛如糞土賞賜無限賜釗名國忠從惡去聲

帑音倘物也○十載為祿山起第窮極華麗上日

遣諸楊與之游

為去聲○諸楊謂劉兄弟

祿山體肥大上嘗

指其腹曰此胡腹中何所有對曰有赤心耳祿

山入禁中先拜貴妃上問其故曰胡人先母而

後父祿山生日賜予甚厚後三日召入宮貴妃

以錦繡為大襁褓使宮人以綵輿舁之上聞歡

笑問故左右以貴妃洗祿兒對上賜妃浴兒金

銀錢盡歡而罷自是出入宮掖通宵不出頗有

醜聲聞于外上亦不疑又以祿山無河東節度

使

子與同舁音余

李林甫與祿山語每揣知其

情先言之祿山驚服每見盛冬必汗謂林甫為

十郎既歸范陽其下自長安歸必問十郎何言
得美言則喜或但云語安大夫須好點檢即曰
噫嘻我死矣

揣楚委反度也語去聲

范氏曰明皇不信其子而寵胡人以為戲至
使出入宮禁而不疑其褻漫神器亦甚矣豈
天奪其明將啓戎狄以亂華歟何其惑之甚
也

十一載李林甫卒林甫媚事上左右迎合上意
以固寵杜絕言路掩蔽聰明嘗語諸御史曰不
見立仗馬乎一鳴輒斥去妬賢疾能排抑勝已

性陰險人以為口有蜜腹有劍屢起大獄自太

子以下皆畏之在相位十九年養成天下之亂

而上不悟語去聲○迎合謂逢迎以合之役儀

一鳴輒去以喻然祿山畏林甫術數故終其

世未敢反是歲國忠為相言祿山必反且曰試

召必不來十三載祿山聞召即至上由是不信

國忠之言加祿山左僕射而歸射音

胡氏曰祿山之憚林甫者以林甫智術足以

御之也若林甫明以祿山兵多勢大將生變

亂開悟上意移之他鎮消未然之患則身雖

多罪亦有可贖乃姑欲示以精神脅以氣勢使之畏已而已其罪可勝言哉

十四載祿山請以蕃將代漢將上猶不疑表請獻馬三千匹每匹二人執鞚二十二將部送河南上始疑之遣使止其獻祿山踞床不拜曰馬不獻亦可十月當詣京師使還亦無表

將使皆去聲鞚

音控馬勒也器音句還音旋

是冬祿山遂反發所部兵及奚

契丹凡十五萬發范陽引而南步騎精銳煙塵

千里時承平久百姓不識兵革州縣皆望風尾

解進陷東京

契音乞騎去聲○東京洛陽也

胡氏曰明皇至是知潞山必反而不為備可
謂愚而不悟者矣或曰祿山兵精雖為之備
亦安能禦之手曰顏杲卿張巡之徒以一縣
一郡尚能倉卒立功況據四海全盛之勢乎
苟變易其思慮澡雪其精神蒐兵擇將立有
區處比其稱兵尚在數月之後縱河北俶擾
亦安有播遷之辱哉蓋其蠱惑之深神志昏
奪以至於此可不戒哉可不懼哉

平原太守顏真卿起兵討賊上始聞河北皆從
賊歎曰二十四郡曾無一人義士邪及真卿奏

至大喜曰朕不識真卿何狀乃能如此平原郡名屬山

東今德州○常山太守顏杲卿起兵討賊河北

諸郡皆應之應去聲○杲卿真卿從兄也○十五載安祿山

僭號稱大燕皇帝改元聖武○賊將史思明陷

常山顏杲卿死之時杲卿起兵纔八日守備未

完思明引兵卒至杲卿晝夜拒戰糧盡矢竭救

兵不至城遂陷賊執杲卿送洛陽祿山數其反

已杲卿罵曰我為國討賊恨不斬汝何謂反也

臊羯狗命不速殺我祿山大怒縛而梟之比死

罵不絕口卒倅同數上聲為去聲○祿音素杲卿音

為判官超至大守故謂其反已也臊腥也祿山
本營州牧羊羯奴故目之為臊羯狗也高剔肉
至骨也
此及也

胡氏曰杲卿拒賊河北皆應若賈循事就賊
巢既傾真可不逾旬時坐平大憝矣曾未十
日反敗於賊何也明皇保姦棄賢殺戮諫士
天固不使得忠義之報也故制治保邦必慎
於未然之前若車犇船沉則人力有所不得
施也

真源令張巡起兵雍丘討賊真源邑名屬譙郡○朔方

節度使郭子儀河北節度使李光弼與賊將史

思明戰大破之首復河北十餘郡

十郡未詳其名

揚國

忠疑副元帥哥舒翰謀已說上趣翰與賊戰大

敗麾下執翰降賊賊遂入關上出奔次于馬嵬

將士飢疲皆憤怒殺國忠等及逼上縊殺貴妃

然後發

說音稅趣促同○馬嵬地名在咸陽西

范氏曰國忠既激祿山使之速反以信其言

又促哥舒翰出兵潼關恐其不利於已動為

身計不顧社稷之患然所以求全者適足以

自族也夫小人利於已而不利於人則為之

害於國而不害於家則為之自以為得計矣

而不知害於國則亦害於家不利於人則亦不利於己是以自古小人之敗必至於家國俱亡此先王所以戒小人之不可用也明皇以天下安危寄之一相而其入如此安得不傾乎

父老遮道請留上命太子慰撫之父老擁太子馬不復得行使皇孫俶白上上曰天也使諭太子曰汝勉之西北諸胡吾撫之素厚汝必得其力且宣旨欲傳位俶音叔太子至平涼朔方留後杜鴻漸迎入靈武請遵馬嵬之命唐五上

乃許

平京府名屬山西留後官名猶留守也靈武郡名即靈州屬表也

范氏曰肅宗以太子討賊遂自稱帝則是子叛父何以討祿山也

胡氏曰玄宗既有傳位之命太子非直叛也其失在玄宗命不亟行而杜鴻漸等急於榮貴是以致此咎也使肅宗著於父子君臣之義豈為人所移得以移之必其心有以來之耳見小欲速不顧君親豈非後世之大鑑也歟

尊上為上皇天帝上在位四十五年改元者三

曰先天開元天寶太子立是為肅宗皇帝

史斷曰明皇能謀有斷再清內難開元之初
勵精政事好賢樂善禁女樂而黜宮嬪作宮
樓而敦兄弟欲杜近習則黜前朝寵幸之臣
欲禁奢華則焚珠玉錦繡之玩選名臣為刺
史禁酷吏之子孫輔相得人共成治效是以
四海富庶四夷賓服幾致刑措號稱太平天
寶以降自以功成治定無有後艱志欲既滿
侈心乃生忠直寢疎讒諛並進嬖妃子而飲
醖以為甘寵胡雛而養虎以為玩癰疽結於

心腹而不悟豺狼遯於藩籬而不知一旦禍
生所忽兵起邊隅腥羶汙于伊洛流血染於
河潼乘輿播遷生民塗炭使數百年間干戈
糜爛而不息何哉良以三子無罪一日殺之
而父子之恩乖十年子婦一朝奪之而夫婦
之倫亂罷張九齡相李林甫殺周子諒而君
臣之義缺三綱淪矣其能久有天下乎至於
久任邊帥而貽藩鎮之禍用高力士而貽宦
官之禍開兩鉅釁迄以亡唐悲夫

肅宗皇帝初名璵改名亨自忠王為太子二十

年而遇祿山之亂至是即位京兆李泌自幼以才敏聞上在東宮嘗與泌為布衣交遣使召之謁見於靈武事無大小與之謀上皇至成都遣使奉冊寶如靈武

璵音余泌音秘使去聲下並同見音現○冊寶至冊傳國

寶也

○回紇吐蕃遣使請助討賊○以房琯為招

討節度使與賊戰于陳濤斜敗績

陳濤斜地名在咸陽

○

至德二載安慶緒殺祿山祿山自起兵以來日

昏至是不復見物又病疽躁暴欲以嬖妾子代

慶緒為嗣慶緒使人殺之而自立祿山僭號僅

一年餘

復扶又反

○上至鳳翔回紇遣子葉護將精

兵四千入至天下兵馬都元帥廣平王俶副元

帥郭子儀將朔方軍及回紇西域之衆發鳳翔

至長安擊賊賊大潰大軍入西京俶留鎮撫三

日引軍東出至洛陽與回紇夾擊賊大敗遂復

東京安慶緒走保鄴葉音攝復音伏○賊將尹子奇陷

睢陽張巡許遠死之巡先守雍丘移軍寧陵屢

破賊既而入睢陽與遠共守屢却賊寧陵縣名屬歸德

食盡或欲棄城巡遠謀曰睢陽江淮之保障若

棄之賊必長驅是無江淮也不如堅守以待救

食茶紙盡遂食馬馬盡羅雀掘鼠雀鼠又盡巡

殺愛妾以食士四萬人僅餘四百終無叛者之食士音似賊登城將士困病不能戰巡西向再拜曰臣力竭矣生既無以報陛下死當為厲鬼以殺賊城遂陷巡遠被執南霽雲雷萬春等三十六人皆被殺生致遠於洛陽殺之也厲猛先是河南節度使張鎰聞睢陽圍急倍道亟進比至城陷已三日矣未幾陳留人殺子奇降也亟音棘急也比毗至反及也

史贊曰巡遠可謂烈丈夫矣以疲卒嬰孤墉抗方張之虜大小數百戰雖力盡乃死然唐

得全江淮財用以濟中興引利償害以百易萬可矣巡先死不為遽遠後死不為屈巡死三日而救至十日而賊亡天以完節付二人畀名無窮不待留生而顯也

上皇發蜀郡還西京○乾元元年命郭子儀等九節度討安慶緒以宦官魚朝恩為觀軍容使

上命朔方郭子儀河東李光弼澤潞王思禮淮西魯炘興平李奐滑濮許叔冀鎮西北庭李嗣業鄭蔡季廣琛河南崔光遠九節度使討賊上以子儀光弼皆元勲難相統屬故不致元帥而以朝恩為觀軍容宣慰處置使○書法曰於是命朝恩為觀軍容宣慰處置使矣不書宣慰處置何削之也上以郭李皆元勲難相統屬故命朝恩為使臨之是專行謀矣夫郭李不可以相

統宦官乃可一統郭李乎是故唐世宦者例不
書宦官而於此獨書之所以病肅宗也綱目等
光弼於諸節度而揭子儀於其 ○二年九節度
上固以子儀可以統光弼矣
之兵潰於相州相去聲 ○九節度兵無統御軍
潰走戰馬甲仗遺棄殆盡 ○書法曰前書郭子
儀等九節度矣此其止書九節度何無帥也是
故首子儀而等先弼於諸鎮所以見子儀之可
以帥光弼也書九節度兵潰而不書子儀所以
見答在於無帥 ○史思明殺安慶緒還范陽僭
也其肯深矣
號明給入其營殺之所為乃上表稱臣於思明
○召郭子儀還京師以李光弼為朔方節度使
兵馬元帥以魚朝恩惡子儀因其敗短之於上遂
令一施士卒壁壘旌旗精彩 ○上元元年太僕
皆變與史思明戰屢敗之

卿李輔國遷太上皇於西內

輔國宦官也唐有三內俱在洛陽城

中西內其一也

上皇愛興慶宮自蜀歸即居之多御長

慶樓父老過者往往瞻拜呼萬歲上皇常於樓下賜以酒食又嘗召將軍郭英乂等上樓賜宴輔國言上皇居興慶日與外人交通陳玄禮高力士謀不利於上數啓上遷之不許乘上不豫率衆劫遷上皇日以不懌因不如葷辟穀寢以成疾數音朔葷音熏辟賓亦反○謀不利謂廢立也不豫謂病而不樂也茹食也葷辛菜也○二年史朝義殺史思明思明愛少子而惡朝義因其敗軍欲斬之朝義使人射殺思明而

自立

少惡皆去聲射音石

○以李光弼為太尉統八道行

營鎮臨淮

臨淮西今淮郡名屬淮

○寶應元年賜郭子

儀爵汾陽王知詣道行營○太上皇崩壽七十

八上寢疾聞上皇崩疾轉劇乃命皇太子監國

○帝崩李輔國殺皇后張氏

書法曰張后書殺何罪張后也張后

為妻而制其夫為婦而逆其舅是大罪逆人也故不書弑初后與輔國相表

裡專權用事晚更有隙上疾篤后召太子謂曰

輔國久典禁兵陰謀作亂不可不誅太子恐震

驚上體不可輔國聞其謀弑后及皇子二人上

在位七年改元者四曰至德乾元上元寶應太

子立是為代宗皇帝

更音庚

范氏曰肅宗信任李輔國上不保其父中不保其身下不保其妻子此近小人之禍也可不戒哉

賀氏善曰肅宗趣取大物而子道悖制於張后而夫道奪脅於輔國而君道失殺齊王倓而父道虧綱目歷書而深病之倘微郭李唐之克復未可知也

代宗皇帝初名俶封廣平王為元帥定兩京封楚王改成王已而為太子改名豫至是即位誅

李輔國以雍王适為天下兵馬元帥率諸將及

回紇援兵討史朝義大敗之賊將李懷仙斬朝

義以降兩京謂長安洛陽以賊將張忠志鎮成德軍賜

姓名李寶臣常山號為薛嵩鎮相衛邢洺貝磁

等州相去聲磁音慈六州並屬河東反田承嗣鎮魏博

德滄瀛等州魏滄瀛三州屬河東李懷仙鎮盧

龍幽州號盧龍節度朝廷厭苦兵革苟冀無事因而授

之諸鎮自為黨援河朔敢抗朝命始此冀望也

范氏曰唐失河北實自此始由任蕃夷為制

將也使郭李為將肯如是乎

廣德元年吐蕃入寇帝如陝州吐蕃入長安關

內副元帥郭子儀擊之吐蕃遁去書法曰捕越

緩辭也奔急辭也走賤辭也○二年流程元振於秦州秦音

西南夷元振初附李輔國輔國死元振專權自恣

尤甚忌諸將有大功者皆欲害之吐蕃入寇元

振掩蔽不以時奏致上狼狽中外切齒至是流

之切齒言恨之切齒言恨○臨淮武穆王李光弼卒上之幸

陝也光弼不至上恐遂成嫌隙撫之加厚及在

徐州擁兵不朝麾下諸將不復尊畏光弼愧恨

成疾而死書法曰綱目卒子儀謚何致不滿也

代宗播越光弼擁兵不赴國難君子病之故雖
有太尉副元帥之官削而不書以為能思其職
則不若是矣是以大臣不可以不知學○永泰
光弼之失大義不明而利害之念重也
元年平盧將李懷王逐其節度使侯希逸詔以
懷王為留後賜名正已書法曰賜名非甚惡甚
美不書書正已何譏也
且親逐節度而使為留後○僕固懷恩誘回紇吐
蕃雜虜入寇懷恩道死召郭子儀屯涇陽回紇
受盟而還吐蕃夜遁雜虜謂吐谷渾党項奴刺
也涇陽縣名屬安西○書
法曰書受盟何不以足懷恩之死也二虜爭長
加首也然與請盟異矣
不睦子儀遣人說回紇共擊吐蕃先是懷恩欺
回紇謂子儀已死使至回紇不信曰郭公在可

得見乎使還報子儀與數騎出使人傳呼曰令
公來回紇大驚藥葛羅執弓矢立陣前子儀免
胄釋甲而進諸酋長相顧曰是也皆下馬羅拜
子儀亦下馬執手與之語取酒相與誓約而還
吐蕃聞之宵遁諸軍與回紇共追大破之長上聲說

音稅使騎呼今皆去聲○子儀時為中書令故曰令公藥葛羅回紇帥也

胡氏曰孔子謂言忠信行篤敬雖蠻貊之邦
行矣子儀輕騎見虜非惟虜不敢害又聽其
言講解而去賢於數十萬衆力戰之功惟忠
信足以感動之而已矣然忠信非可一日而

為也積之既久行之既著名發於實而效見乎遠則其音聲容貌亦將有孚於人此回紇諸酋所以釋兵下馬而拜者也夫豈可偽說而僥倖哉在易之師曰師貞丈人吉子儀其庶幾歟

三年幽州將朱希彩殺其節度使李懷仙詔以希彩知留後○大曆五年魚朝恩伏誅朝恩專總禁兵勢傾朝野嘗判國子監升座講鼎覆餗以譏宰相王縉怒元載怡然朝恩曰怒者常情笑者不可測也朝政有不預者輒怒曰天下事

有不由我者邪上聞之不懌載乘間奏其專恣

不軌遂誅之

公餘音速間去聲○易曰鼎折足覆

天下之任可羞愧也其人至於覆敗乃不勝其任

○七年廬

龍將吏殺其節度使朱希彩詔以朱泚代之將

謂孔目官李懷瑗也

○十二年誅元載貶王縉為括州刺

史載縉俱納賄賂又以政事委羣吏會有告其

圖不軌者上乃誅載而貶縉有司籍載家財胡

叔至八百斛他物稱是

計與此斛稱去聲言與此斛相等也

○以

楊綰常袞同平章事綰素清儉制下之日朝野

相賀郭子儀方宴減坐中聲樂五分之四京兆

尹黎幹駟從甚盛即日省之止存十騎中丞崔
寬第舍宏侈亟毀撤之綰相三月而卒上痛悼
之曰天乎不欲朕致太平何奪朕楊綰之速也
分從騎相皆去聲
駟音鄒亟音克

范氏曰楊綰以清名儉德為相而天下從之
如此况人君能正己以先海內其有不率者
乎是以先王必正其心修其身而天下自治
孟子曰一正君而國定矣此之謂也
胡氏曰郭公黎幹崔寬事類而情殊郭公成
人之美者也幹寬則畏之者也謂幹寬有仰

德化服之心者非也謂子儀有惕威跼蹐之態者亦非也

十四年田承嗣卒先是承嗣反陷相州上發諸道兵討之承嗣懼表請

入朝謝罪上赦之至是卒以其侄悅代之○書法曰承嗣卒不書魏博節度使何削之也承嗣

叛逆猶誅帝雖復其官爵○淮西將李希烈逐直筆所不容也故特削之

其節度使李忠臣詔以希烈為留後希烈忠臣族子也

○帝崩在位十七年改元者三曰廣德永泰大

曆太子立是為德宗皇帝

史斷曰代宗少遇亂離老於軍旅即位之初

餘妖未殄乃能仗郭李之精忠憑諸將之戮

力剪除兇醜克復京師厥功懋矣然帝性仁而不勇委靡太過而剛斷不足遂使太阿之柄倒移於下故雖能罪三宦誅元載其初亦由寵任之過而其末又皆未得為盡善焉至於專事姑息逐殺主帥命為主帥遂為後來故事網目尤深咎之而當時之所加意者不過置百高座講仁王經作章敬寺廣度僧尼出孟蘭盆褒贈亡僧唐室大壞實基於此故司馬公論肅代二帝以為此兩君者明不足以燭理武不足以決疑向微郭子儀之忠李

光弼之智則天下已非唐有意謂是夫

德宗皇帝

名适自雍王為太子至是即位○貶

常袞為潮州刺史以崔祐甫同平章事

潮州屬廣東

時郭子儀朱泚雖以軍功為宰相不預朝政袞

獨居政事堂代二人署名奏貶祐甫既而二人

表其非罪上以袞為欺罔貶之而相祐甫

朝音潮下

並祐甫欲收時望未二百日除官八百人上曰

人謗卿所用多涉親故何也對曰臣為陛下擇

人不敢不慎非親非故何以諳其才行而用之

為行皆去聲

司馬公曰用人者無親疎新故之殊惟賢不
肖之察其人未必賢也以親故而取之固非
公也苟賢矣以非親故而捨之亦非公也天
下之賢非一人所能盡若必待素識而用之
所遺亦多必也舉之以衆取之以公而已不
置毫髮之私於其間則無遺賢曠職之病矣
李正己畏上威名表獻錢三十萬緡上欲受之
恐見欺却之則無辭祐甫請遣使慰勞淄青將
士因以賜之正己慙服天下以為太平之風庶
幾可望

使勞將皆去聲幾平聲
淄青二州名並屬山東

〇〇以楊炎同

平章事上方勵精求治不次用入崔祐甫薦炎

自道州司馬入相既而祐甫病不視事謂不次者

品次但以○建中元年始作兩稅法兩稅謂夏

行實也○書法曰於是租庸調法盡廢矣故書始凡貢賦書始君初皆重其始為民害也唐初

賦歛之法有田則有租有身則有庸有戶則有

調玄宗之末版籍寢壞至德兵起所在賦歛迫

趣取辦無復常准下戶不勝困弊率皆逃徙調

皆去聲趣促同勝音升○至是楊炎建議先計

州縣每歲所用及上供之數而賦於民量出以

制八戶無主客以見居為簿人無丁中以貧富

為差為行商者在所州縣稅三十之一居人之
稅秋夏兩徵之其租庸調雜徭悉省上用其言
仍詔兩稅外輒率一錢者以枉法論見調論皆
氏曰所用謂官吏俸給上供謂朝廷供用元居
為主寄居為客也丁中租庸調說見高祖武德
年七

范氏曰德宗之政名廉而實貪故其令戒始
而終廢蓋禁暴之法雖具而誅求之意常出
於法外天下之吏奉意而不奉法逆意有罪
奉法無功是以法雖存而常為無用之文也
門下侍郎同平章事崔祐甫卒○殺忠州刺史

劉晏忠州屬晏善治財計自肅宗代宗以來領

戶部度支鑄錢鹽鐵轉運等事以同平章事充

使通漕運榷鹽利制百貨之低昂軍國之用賴

以充足然以典利權衆頗疾之又與楊炎不相

悅竟貶忠州人希炎旨告晏怨望上遣人縊殺

之度音鐸使去聲○以同平章事充使謂為相而無度支轉運鹽鐵等使也榷旋轉也希炎

旨言希合楊炎之意也

胡氏曰晏雖非賢者然於國家有足食之功

罪不至死而置之死欲以服奸雄之心難矣

二年成德節度使李寶臣卒子惟岳自稱留後

王武俊斬而代之○以楊炎盧杞同平章事炎
既殺劉晏朝野側目上惡之擢杞為相炎未幾
罷杞藍面鬼色有口辯上悅之杞陰狡欲起勢
立威少不附者必置之死地惡相皆去聲○尚父太

尉中書令汾陽忠武王郭子儀卒

書法曰號官爵謚具終綱

目一人而已子儀以身為天下安危者三十年功蓋

天下而主不疑位極人臣而眾不疾嘗遣使至
魏博田承嗣西望拜之曰茲膝不屈於人久矣
今為公拜校中書令凡二十四考家僮三千人
八子七婿皆為顯官諸孫數十人每問安不能

盡辨額之而已年八十五而終為公之為去聲

氏曰唐制一歲終一考功子儀自乾元元年拜相至是凡二十四考額點頭也

胡氏曰功蓋天下而主不疑位極人臣而衆不疾此漢唐以來將相所難者子儀以何道而能然惟仗忠信安義命而已矣

李希烈反○兩河用兵府庫不支數月兩河謂河南河

北先括富商錢太常博士韋都賓陳京建議請括富商錢出萬緡者借其餘以

供增諸道稅稅錢每斗價皆增二百錢○四年行稅

間架除陌錢法判度支趙贊奏行二法所謂稅

錢二千中稅千下稅五百所謂除陌錢法者公私給與及買賣每緡官留五十錢給他物及相

貿易者約錢為率敢匿者罪之於是愁怨之聲盈於遠近

范氏曰德宗有平一海內之志而求欲速之功不務養民而先用武民愁兵怨激而成亂自古不固邦本而攻戰不息者必有意外之患此後王之深戒也

李希烈寇襄城詔發涇原等道兵救之

襄城縣名屬汝

州涇原皆州名涇屬陝西原屬鞏昌

涇原節度使姚令言將兵過

京師犒軍惟糲食菜餒衆怒作亂入城上出奔

犒曰到反餉也糲音突麤也食音似飯也

亂兵奉太尉朱泚為主司

農卿段秀實謀誅泚不克泚召衆議稱帝秀實

唾其面大罵以笏擊泚額血濺地泚殺之遂僭

號大秦皇帝尋改國號漢先是有術士桑道茂言數

年後有離宮厄奉天有天子氣宜高大其城以

備非常上從之至是遂奔奉天奉天郡名屬陝西今乾州泚

犯奉天李晟率兵赴難渾瑊擊泚破之奉天圍

解晟音盛難去聲下同瑊音絨名也李懷光赴難亦破泚

兵至奉天欲入白盧杞之姦杞隔之不得入見

上表暴杞惡衆論亦喧騰咎杞上不得已遠貶

之見音現

范氏曰德宗性與小人合故其去小人也難

遠君子也易忠正之士一言忤意則終身擯
斥盧杞之徒迫於危亡不得已然後去之豈
惡治而欲亂哉蓋其性與小人合也

興元元年大赦陸贄勸上罪已以謝天下詔下
驕將悍卒聞之無不感激揮涕王武俊田悅李
紘先是皆反自立為王至是皆去王號上表謝

罪

李納李正
己子也

○李希烈僭號

希烈見赦文自恃
兵強遂稱大楚皇

帝

○置瓊林大盈庫於行宮

上於奉天行宮廡
下貯諸道貢獻之

物榜曰瓊林大盈庫陸贄以為戰守之功賞賚
未行而遽私別庫則士卒怨望無復聞志上即

命去其榜

○李懷光反帝奔梁州○魏博兵馬使田

緒殺其節度使田悅權知軍府

緒承嗣之子悅之侄也既殺悅

遣使奉表詣行在上

○李晟等收復京城朱泚

亡走其將韓旻斬之以降

京城謂長安

晟露布至行

在曰臣已肅清宮禁祇謁寢園鍾簋不移廟貌

如故上覽之泣曰天生李晟以為社稷非為朕

也

簋音巨為去聲○露布謂書克復之事建○於漆竿露布不封以示中外也簋鍾附也

車駕還長安○顏真卿為李希烈所殺先是真

卿為盧杞所陷遣奉使希烈所人言失一元老

為國家羞至賊中留之將二歲不屈竟為賊所

縊死

為使皆士聲為國之為如字

○貞元元年朱滔死以劉

怦為幽州節度使

書法曰田承嗣嘗反矣書卒

也綱目一字

○馬燧及諸軍平河中李懷光縊

死赦懷光一子收葬其尸罷討淮西兵

河中府名屬山

西即河東郡

○書法曰書赦懷光一子何予存

厚也懷光之反盧杞激之也

綱目正本故其死

不書伏誅而赦其一子○二年淮西將陳仙奇

殺李希烈以降以仙奇為節度使仙奇為其將

吳少誠有疾仙奇勢日盛會

殺之舉眾未降詔因以領鎮少誠

素狡險為希烈所寵故為之報仇

胡氏曰仙奇為國誅賊賞以節鉞是也少誠

黨賊而殺仙奇亦以與之則賞罰混殺兆淮

蔡之亂矣差之毫釐謬以千里此類是也

吐蕃入寇詔渾瑊等屯咸陽○三年渾瑊與吐

蕃盟于平涼吐蕃劫盟

書法曰與者何自我之辭也然則其受侮也有

以取之矣是後也廷賞為之

先是吐蕃尚結贊據鹽夏州李

晟嘗破其一堡渾瑊馬燧各舉兵臨之懼而請

和卑辭厚禮求於燧燧信而請於朝晟曰戎狄

無信不如擊之同平章事張延賞與晟有隙數

言和便遣瑊與盟吐蕃伏兵劫之瑊走免

數○音

尚結贊吐蕃將也鹽州屬甘肅堡寨也

初尚結贊畏晟燧瑊曰去

此三人則唐可圖也於是離間晟因燧以求盟

欲執瑊以賣燧使併得罪因縱兵直犯長安會
失瑊而止上由是惡馬燧罷其節鎮延賞慙懼
謝病免以去上聲間惡皆去聲○初吐蕃畏晟欲
公召我來何不出攜我延賞乘
間諧而罷之故曰離間晟也

范氏曰人君於其所不當疑而疑之則於其
所不可信而信之矣李晟之功社稷是賴而
德宗猜忌使憂懼不保朝夕至於讒邪之詭
計戎狄之甘言則推誠而信之不疑由其心
術顛倒見義不明故也延賞以私憾敗國殄
民罪莫大焉德宗曾不致詰使之得保首領

死於牖下幸矣

以李泌同平章事上與泌從容論即位以來宰相曰人言盧杞姦邪朕殊不覺泌曰此乃所以為姦邪也儻覺之豈有建中之亂乎泌有謀畧而好談神仙詭誕故為世所輕為相未三歲而卒從音匆好去聲○八年以陸贄同平章事○九年太尉中書令西平忠武王李晟卒

胡氏曰晟非特良將乃賢相也德宗置之閑處七年而死向使陪侍廟堂參斷國政至於七年其有益於國可勝數哉

十年陸贄罷為太子賓客坐論裴延齡姦邪故也○十一

年貶陸贄為忠州別駕別駕治中即贄自奉天以來

宣力最多隨事論諫剴切百奏帝追仇盡言又

被判度支裴延齡譖故貶剴切音該初夏縣陽城

以處士徵為諫議大夫夫人皆想望風采在職七

年而不諫韓愈作爭臣論譏之處上聲爭論皆去聲○夏縣屬

解州及贄貶城率諸諫官守闕論延齡姦佞贄無

罪時朝夕且相延齡城曰脫以延齡為相當取

白麻壞之慟哭於庭遂沮壞音怪沮慈呂反○

若也白麻寫城左遷國子司業後又貶道州刺

詔敕紙也

史治民如治家自書其考曰撫字心勞催科政

拙考下下

道州屬湖南字愛也考核也言若考核其功則當下下也

胡氏曰陽城賢矣惜其未盡善也諸諫官言
事細碎信為有失城登諫司至是七年豈皆
無大事可言乎開悟君心必有其漸防遏姦
佞必於其微陸相見踈迨齡被寵豈一日之
積毫釐不伐至用斧柯則其用力多而見功
少矣故君子以為城未知陰陽消長之義者
也綵綸之言非可壞之物天子之庭非慟哭
之地故如城所為山人處士踈野之態耳雖

然讜論一發正氣凜然陸免於死裴不果相
其有功於唐甚大則城亦未可訾也陸公在
翰林諫爭十從六七自為相十從三四故愚
惜其去之之晚有違乎不可則止之義也

十四年吳少誠叛侵壽州○二十一年帝崩在
位二十六年改元者三曰建中興元貞元初政
清明者二歲而盧杞用矣叛亂相繼末年姑息
而已太子立是為順宗皇帝姑且也言苟且少安息也

范氏曰德宗享國牝政尤多而大獎有三曰
姑息藩鎮曰委任宦者曰聚斂貨財蓋本夫

志大而才小心褊而意思不能推誠御物尊
賢使能以為果敢聰明足以成天下之務初
欲削平僭叛剋滅藩鎮一有奉天之亂而心
隕膽破惟恐生事既猜防臣下則專任宦者
思其窮窘則聚歛培克益甚於初自古治愈
久而政愈弊年彌進而德彌退鮮有如德宗
者是以藩鎮強而王室弱宦者專而國命危
貧政多而民心離唐室之亡卒以是三者其
所從來者漸矣

順宗皇帝

名誦方為太子時有善書者王伾善

棋者王叔文俱出入誤侍因言某可相某可將
幸異日用之密結學士韋執誼及朝士有名而
求速進者陸淳呂溫李景儉韓曄韓泰陳諫柳
宗元劉禹錫等定為死交日與游處蹤跡詭秘
莫有知其端倪者德宗崩太子即位先是有風
疾失音五閱月矣侄叔文等用事

侄音丕處音
杵○死交言

誓死不相背負也詭詐也
秘密也端倪猶言頭緒也

范氏曰天下至大祖業至重故古之教太子
者左右前後必皆正人然猶或不能成德德
宗乃使技藝搏奕之徒侍太子豈不愚其子

乎蓋疑賢者導其子之為非而不疑於小人
亦不思而已矣

追陸贄陽城赴京師未至卒

書法曰未至卒何惜之也

○帝

傳位於太子自號太上皇上在位僅八月改元
永貞太子立是為憲宗皇帝

史斷曰順宗寢疾踐阼奸邪肆志近習弄權
而能委政冢嗣以安社稷得為賢矣

憲宗皇帝

名純年二十八為太子監國尋受禪

貶王伾王叔文任病死叔文賜死其黨皆遠貶

其黨謂韓泰韓曄柳宗元劉禹錫韋執誼陳諫凌準程異也

○元和元年太

上皇崩○西川節度副使劉闢反命神策行營

節度使高崇文將兵討之

從同平章事杜黃裳所薦也

○夏

綏留後楊惠琳拒命詔河東天德軍討斬之○

高崇文克成都擒劉闢送京師斬之○二年鎮

海節度使李錡反詔討之兵馬使張子良執錡

送京師斬之

錡音奇○杭州號為鎮海節度

○三年沙陀來降

以其酋長執宜為陰山兵馬使

長上聲○沙陀月氏別種西突

厥苗裔也姓朱邪

沙陀勁勇冠諸胡吐蕃每戰以為前

鋒後疑其貳於回鶻欲遷之河外沙陀懼帥眾

歸唐置之靈州用以征討皆捷

冠去聲鶻本作紇德宗時改作

鵬取搏擊之義

○邠宣公杜黃裳卒

邠音彬

自黃裳以後

相繼為相者武元衡李吉甫裴垏李藩李絳皆

賢相垏嘗為吉甫疏人才三十餘數月用盡翕

然稱為得人

垏音忌疏去聲選擇也

垏器局峻整人不敢

干以私也

干求

藩嘗為給事中制敕有不可者即

批之吏請更連素紙藩曰如此則狀也何名批

敕垏薦之為相知無不言

批之謂於制敕批寫又可也更音庚謂別

思白紙書之絳鯁直吉甫善逢迎絳每與爭論

於上前上多直絳

鯁音梗

○直絳謂

時在朝如

崔羣白居易等皆謹直元和之世朝廷清明以

此

易音異譚音黨直也

○七年魏博節度使田季安卒兵

馬使田興請吏奉貢詔以興為節度使賜名弘

正

書法曰書賜名何予田興也

遣裴度宣慰賜錢百五十萬

緡犒其軍六州百姓皆給復一年軍受賜歡聲

如雷成德充鄆諸鎮使者見之相顧失色歎曰

倔強者果何益乎

鄆音運倔音屈強去聲○給復謂優給免復也倔強謂不

柔服也

○十年以裴度同平章事初彰義節度使

吳少誠死弟少陽自領軍府少陽陰養亡命少

陽死子元濟自領軍府縱兵侵掠及東畿詔發

十六道兵討之

淮西號彰義軍亡命謂有罪逃亡免死之人也

平盧節

度使李師道請赦元濟不許度宣慰淮西行營
還言淮西可決取上悉以兵事委同平章事武
元衡師道素養刺客姦人客請密往刺元衡則
他相必爭勸天子罷兵英元衡入朝賊暗射殺
之又擊度傷首石射音上怒討賊愈急以度為相
曰吾倚度一人足破賊十二年以度兼彰義節
度使充淮西宣慰招討使督諸軍追討倚猶唐
鄧節度使李愬先擒賊將丁士良吳秀琳李祐
釋而用之用祐計雪夜七十里引兵入蔡州城
擊鵝鴨池混軍聲鷄鳴入據元濟之外宅元濟

登牙城拒戰已而就擒檻送京師斬之○檻上聲

蔡三州名淮西既平上寢驕侈先是已用李逢

吉同平章事又用度支使皇甫鎛鹽鐵使程异

進羨餘有寵並同平章事朝野駭愕元和之政

非矣也鎛音博异音異羨音彥餘○十四年遣中

使迎佛骨至京師貶韓愈為潮州刺史先是功

言鳳翔法門寺塔有佛指骨請迎之至是至京

師留禁中三月歷送諸寺王公士民瞻奉捨施

惟恐不及刑部侍郎韓愈上表極諫乞以授之

水火上大怒貶之○書法曰書至京師何遠也

於是自鳳翔迎之終綱目書迎佛骨三而兇穢

之禍無不立見憲宗十四年正月迎佛骨明年

正月崩懿宗十四年正月迎佛骨是年七月崩

然則事佛求福反更得禍韓愈之言信不誣矣

○平盧都將劉悟執李師道斬之○裴度罷為

河東節度使

度在相位知無不言皇

○十五年

帝暴崩於中

和殿書法曰弒也曷為不書弒罪

恬然不能究覈書暴崩所以深罪之也然則其與非弒何別焉崩而書地異其文所以易其事

也上服金丹多躁怒左右獲罪有死者人人自

危宦者陳弘志弒逆其黨諱之但言藥發在位

十五年改元者一曰元和太子立是為穆宗皇

帝

史斷曰宗憲嗣位之初委任賢相朝廷清明有足稱者而又慨然發憤志平僭亂能用忠

謀不惑羣議師老財屈異論輻輳而不為之
疑盜發都邑屠害元臣而不為之懼故能削
平猾逆剪除亂階及世難漸平驕侈日生姦
人皇甫鎛以聚斂見幸直言褻度以極諫見
棄以宦者為館驛使以柳泌為州刺史脩麟
德殿浚龍首池甚者迎兇穢死骨於京師斥
諫爭直臣於嶺外未幾金丹之藥方試而陳
弘志之謀遂行可勝歎哉

敬宗皇帝名恒即位改元長慶四年崩太子立
是為敬宗皇帝

史斷曰穆宗踐阼之時年幾三十身處大喪
樞方在殯不能明詔公卿推舉弒逆罪人遽
與羣臣釋服開大宴浚魚藻池幸華清宮縱
情棄禮遊戲無度於是再失河朔迄於唐亡
不能復取而帝亦不旋踵而即世焉周公曰
自時厥後立王生則逸亦罔或克壽或五六
年或四三年其穆宗敬宗之類歟

敬宗皇帝

名湛即位荒淫嬖倖用事

湛徒減反

○浙

西觀察使李德裕獻丹衣六箴

箴音以絳為質故

曰丹

一曰宵衣

以諷視朝稀晚

二曰正服

以諷服制華異

三曰

罷獻

以諷求玩好

四曰納誨

以諷棄謹

五曰辨邪

以諷信

任

羣

六曰防微

以諷出遊

上不聽遊

戲無度

性復褊

褊

急宦官動遭捶撻皆怨夜獵還宮酒酣為宦者

劉克明所弑在位二年改元者一曰寶曆江王

立是為文宗皇帝

褊音扁窄狹也

胡氏曰敬宗免崔發之死聽韋處厚而寤李

紳宣慰李渤而擢劉棲楚納李程而罷營殿

賞宴遊之諫而賜錦綵聞瑤臺之諷而宥李

漢覽失丁之奏而禁度僧受丹衣之箴而答

優詔從北門之奏而寬量移用張仲方之說

而減般費沮逢吉所引而伸李紳采言者所
陳而禮喪度知洛宮荒弛而罷東巡凡此十
餘條方之德宗豈不優哉特以幼少之時不
親師傅故卒以荒淫遇弑而隕養太子不可
不慎古帝王之慮深矣

文宗皇帝

名涵穆宗子也為宦者王守澄所立

後改名昞

為去聲

○太和二年親策制舉人

書法

親策何譏也躬親策之而不

知劉時宦者益橫

黃之為忠以是為失人也故譏之

建置天子在其掌握權出入主之右無人敢言
賢良方正劉黃對策極言之考官歎服而不敢

取中第者裴休李邵杜牧崔慎由等二十二
人皆除官物論囂然稱屈邵曰劉蕡下第我輩登
科能無顏厚上疏乞回所授官於蕡不報論橫中
去聲蕡音憤邵音合○物論猶言衆
論也顏厚謂面皮厚而不知慚愧也

范氏曰天之生斯人苟有聰明正直之資必
將有用於時不使之汨沒而死也聖人順天
理而感人心歛天下之賢者而聚之於朝使
之施其所有以為國家之用則賢者無不得
其所而民物亦無不得其所矣唐則不然抑
遏之廢斥之使身老巖穴不為世用豈不違

天理

九年李訓舒元興鄭注等謀誅宦者不克仇士

良殺訓注元興及王涯賈餗等餗音速何書法

官也其首訓何首謀也注亦首謀則曷為而先

元興不使御史先宰相也然則見殺則後元興

何淺謀取敗者訓注也元興則特與聞其謀耳

涯餗則又與聞者故殊之而書及綱目之權

衡審注本宦者王守澄所引訓又為注所引得

見守澄守澄薦於上侂儻尚氣有文辭口辯多

權數上悅之為去聲訓注揣知上意數以微言動

上上意其可謀大事以誠告之訓注遂以誅宦

者為已任數音朔訓既與注勢位俱盛頗忌注託

以中外協勢出注鎮鳳翔

也

和進擢宦者仇士

良以分守澄之權訓同平章事請除守澄遣中

使鵬殺之

使去聲

注始與訓謀至鎮遣壯士數百

人護守澄葬仍請令內臣盡送然後殺之無遺

類訓心以為如此則功專歸注乃謀先發

鎮謂鳳翔

令人奏金吾聽事後石榴有甘露宰相率百官

拜賀後勸上往觀上令宰相先往視訓陽言非

真上顧士良帥諸宦官往視士良等既至見風

吹幕起執兵者無數驚走告變訓呼金吾衛士

等上殿僅擊死傷宦者十餘人知事不濟而走

石榴木名花紅實可食

士良等命神策兵殺金吾吏卒執

宰相涯餽元興等誣以謀反腰斬之訓之謀惟元興知之他相實不知也自是天下事皆決於此司宰相行文書而已訓為人所殺傳首注亦為鳳翔監軍宦者所殺為傳皆去聲

范氏曰文宗憤宦者之弑逆而欲除之當擇賢相而任之朝廷既清紀綱既正賞罰之柄出於人主執其元惡付之有司正典刑而已矣乃與訓注為詭計欲用兵甲於陞城之間不以有罪無罪皆夷滅之召外寇以攻內寇

是以一敗塗地幾亡社稷非徒無益而愈重
禍盖用小人以去小人未有不害及國家者
也

開成四年司徒中書令晉文忠公裴度卒

書法曰書

官書謚書爵賢之也

度自憲宗時罷相後無意世事治園

池有綠野堂子午橋等別墅之勝與詩人觴詠
自娛穆宗敬宗時皆嘗一入輔政至上之世亦
嘗平章軍國重事與時浮沈而已然四朝將相
威望遠達四夷四夷見唐使輒問度安否以身
繫國家輕重如郭子儀者二十餘年

野承與反田廬也四

朝謂憲穆

敬文也○五年帝崩上即位之初勵精求治

去奢從儉中外翕然謂太平可冀然制於宦寺
竟不能有所為嘗問宰相何時太平牛僧孺答以
太平無象末年嘗問近臣朕何如周赧漢獻對
者憮然上曰赧獻受制強臣今朕受制家奴殆
不如也在位十四年改元者二曰太和開成第
穎王立是為武宗皇帝

治去聲
去上聲

史斷曰文宗恭儉儒雅出於天性太和之初
出宮女放鷹犬省冗食策制舉戒宦者衣羅
縠禁戲奇巧織纖麗凡前代宦官女子奢慾

聚斂神仙浮屠之事纖毫無有可謂賢矣然
仁而少斷委靡不立議者以此少之嘗以累
世變起禁闥尤側目於中官志欲除之而任
用非人欲以一朝譎詐之謀剪除累世膠固
之患卒至蹀血禁門積尸省地公卿大臣駢
死牢戶連頸赴戮天子陽瘖縱酒飲泣吞氣
自比赧獻可悲也夫

武宗皇帝名湮穆宗子也文宗嘗立敬宗子成
美為太子臨崩欲以成美監國宦者以為立不
由己廢之而立湮為太弟遂殺成美而即位後

改名炎

瀝音

以李德裕同平章事德裕在穆宗

初為學士以李宗閔者嘗對制策譏切其父吉

甫恨之構貶宗閔自是各分朋黨更相排軋者

垂四十年

更音庚軋烏入反○譏切吉甫事見通鑑憲宗元和元年構貶宗閔事見

穆宗長慶元年排軋謂擯斥傾陷也在文宗時德裕為侍郎裴度

薦其可為相宗閔有宦者之助遂相惡德裕逼

已而出之且引牛僧孺並相相與排擯德裕之

黨

惡去聲

尋以德裕鎮西川德裕作籌邊樓圖蜀

地形南八南詔西達吐蕃日召老於軍旅習邊

事者訪以險易遠近皆若身歷練士卒葺堡障

以備邊易音異○南詔國名在吐蕃將悉怛謀

以維州來降維州本漢地八兵之路吐蕃得之

號為無憂城德裕極以得此州為使牛僧孺以

為不可納以城併叛將歸吐蕃誅之境上極慘

酷牛李之怨自是愈深維州屬四川今歸猶還也僧孺尋

罷德裕入相宗閔亦罷宗閔再相德裕又罷二

黨互相擠援文宗嘗歎曰去河北賊易去朝廷

朋黨難德裕連被貶黜擠音躋排斥也援音院引助也去上聲易音異

及上立召德裕相之德裕言於上曰正人指邪

人為邪邪人亦指正人為邪在人主辨之上嘉

納德裕追論維州事悉怛謀加褒贈德裕乞追

贈悉怛謀
右衛將軍

胡氏曰維州本唐之地為吐蕃所侵乃欲守
區區之信舉險要而棄之可乎僧孺所謂虜
不三日至咸陽特以大言怖文宗非實事也
夫奪吾之地而約我以盟此直蒲人所以要
孔子者不可謂之信也取我故地乃義所當
為是故以維州歸吐蕃棄祖宗土宇縛送悉
怛謀沮歸附之途僧孺以小信妨大信也下
維州遣兵據之洗數十年之恥追獎悉怛謀

贈以官秩德裕以大義謀國事也此二人是非之辨也

會昌三年昭義節度使劉從諫卒其子稹自為

留後詔諸道發兵討之

澤潞號為昭義節度

李德裕謂澤

潞事體與河朔三鎮不同河朔習亂已久累朝

置之度外澤潞近在心腹若又因而授之威令

不復行於諸鎮矣

三鎮成德魏博幽州也

上問何以制之

曰稹所恃者三鎮但得鎮魏不與之同稹無能

為也遣重臣諭鎮魏討之

鎮謂成德魏博詔曰澤潞

一鎮與卿事體不同勿為子孫之謀使存輔車

之勢但能顯立功效自然福及後昆鎮魏悚息

聽命二鎮兵與朝廷所遣行營將王宰石雄各

進討

輔車謂縛也於防輔車也

河東都將楊弁作亂逐節

度使遣中使馬元寶曉諭且覘之元寶受賂還

於衆中大言相公須早與之節自牙門至柳子

列十五里曳地光明甲若之何取之

弁音便覘

視也

須猶宜也言宜

德裕詰之辭屈奏弁微賤

決不可恕如國力不支寧捨劉稹

支持

河東兵

出戍者聞朝廷令客軍取太原恐妻子被屠乃

歸擒弁送京師斬之

屠戮

未幾稹勢窮感潞人

殺之以降澤潞平加德裕太尉衛國公

潞人指郭誼

初文宗時劉從諫入朝牛僧孺李宗閔執政不

留之加宰相縱去以成其患至是德裕言於上

遂貶僧孺為循州長史流宗閔於封州

長上聲循州

封州並屬廣東

胡氏曰大臣欲正吾心必先自正其心其心

不正如正君何德裕欲報私仇而未得其便

乃於成功之後因行中傷之計非惟武宗志

已驕怠德裕之量亦滿矣又烏能納其君於

持盈守成之盛哉是故君子不可不學也

四年詔削仇士良官爵籍沒家貲先是士良致仕其黨送歸士良教之曰天子不可令閑常宜以奢養娛之使無暇及他事慎勿使之讀書親近儒生見前代興亡心知憂懼則吾輩踈斥矣至是宦者發其宿惡故有是命

胡氏曰士良狡黠思所以蠱君者密矣然知其利而不知其害者也已無踈斥之道以忠信謹厚服其職亦何用蠱君然後得安苟欲自安而蠱君至於危亡之地則豈有君亡而我存之理其禍豈止踈斥而已哉士良之術

自以為智實則愚也

五年詔毀天下佛寺僧尼並勒歸俗

上惡僧尼耗天下欲

去之道士趙歸真等復勸之故有是詔

胡氏曰一身正氣為邪氣所傷必以五穀六味養生之物補之然後邪去而正復若盜跖伏於室乃召陽虎而去之是重自伐也庸何愈此元魏用寇謙之會昌用趙歸真以去釋氏之類也釋氏蠹民心而耗其財誠宜廢絕武宗君臣以公道行之夫豈不可而待歸真乎且佛教行乎中國久矣非一日所能廢絕

誠欲廢絕之當使天下知其害而不惑其說
又不利其鬻牒之資持之三十年則本根除
掃餘風亦殄矣

帝崩初上餌金丹得疾而道士以為換骨至是
崩在位六年改元會昌光王立是為宣宗皇帝

餌音二
食也

史斷曰武宗雄謀獨斷頗能振已去之威權
澤潞阻兵不惑羣言獨任德裕故能克上黨
如拾芥取大原如反掌亂畧底平紀律再張
然惑於左道之言而信清虛之教躬受法錄

築望仙觀立道門教授先生立崇玄館學士
荒唐謬愆何以立教雖能除去浮屠要非真
見不惑特好惡不同耳奚足論哉

宣宗皇帝

名怡憲宗子也幼號不慧大和後益

自韜匿文宗好誘其言以為笑武宗豪邁尤不
禮之名為光叔武宗疾篤子幼宦官定策禁中
詔立怡為皇太叔更名忱權勾當軍國事裁決
咸當理人始知其有隱德焉尋即位韜音叨好

聲更音庚○太和文宗年號

○李德裕罷

翰林白敏中

牛僧

孺李宗閔等北遷

貶僧孺為衡州長史宗閔為郴州司馬故曰北遷

德

裕三貶至崖州司戶以卒

三貶謂初貶為太子少保分司再貶潮州

司馬尋貶崖州司戶也崖州在海南

范氏曰裴度李德裕皆有功烈為唐賢相太
中以後無能繼之者德裕才優於度而德器
不及也蓋度不為黨而德裕為黨是以度雖
為小人所傾而能以功名終德裕一失勢而
斥死海上也雖牛僧孺之黨多小人德裕之
黨多君子然其因私以害公挾勢以報怨則
一而已夫惟天吏可以伐燕德裕自為朋黨
而欲破朋黨此以燕伐燕也孔子曰克伐怨

欲不行焉可以為難矣又曰君子矜而不爭
羣而不黨德裕克伐怨欲必行焉矜而爭羣
而黨其能免乎

以令狐綯同平章事

綯音挑

先是綯為學士上嘗

以太宗所撰金鏡錄授綯使讀之又書貞觀政
要於屏風每正色拱手而讀嘗與學士畢誠論
邊事誠具陳方畧上悅曰不意頗牧在吾禁中
即用為邊帥果稱其任

誠音牧皆戰國趙之良將

也通鑑誠為鄆寧節

度使招諭党項皆降

上聰察強記嘗密令學士

韋澳纂次州縣境土風物及諸利害為一書號

曰處分語

澳音郁

同言區

處分音

限也

刺史有八謝而

出者曰上處分本州事驚入建州刺史于迤陵

入辭上問建州去京師幾何曰八千里上曰卿

到彼為政朕皆知之勿謂遠此階前則萬里也

建州屬福建

今建寧府

建州刺史上曰吾聞

遠詩云長日惟消一局棋安能理人絢曰詩人

托此高興未必實然

興去聲

州屬浙江

杭嘗詔刺史毋

得外徙必令至京面察絃嘗徙故人為隣州便

道之官上問之曰詔命既行直廢格不用宰相

可謂有權時方寒絢汗透重裘

格止音各止也重

入辭上問建州去京師幾何曰八千里上曰卿

到彼為政朕皆知之勿謂遠此階前則萬里也

建州屬福建

今建寧府

建州刺史上曰吾聞

遠詩云長日惟消一局棋安能理人絢曰詩人

托此高興未必實然

興去聲

州屬浙江

杭嘗詔刺史毋

得外徙必令至京面察絃嘗徙故人為隣州便

道之官上問之曰詔命既行直廢格不用宰相

可謂有權時方寒絢汗透重裘

格止音各止也重

言

平聲上臨朝對羣臣未嘗有惰容每宰相奏事旁

無一人威嚴不可仰視奏事畢忽怡然閑語一

刻許徐復整容曰卿輩吾為之常恐卿輩負朕

不得再相見背恩忘德曰負絢嘗謂人曰吾十年秉政

最承恩遇每延英奏事未嘗不汗沾衣也延英殿名

嘗召韋澳屏左右問之曰近日內侍權勢如何

對曰陛下威斷非前朝比上問曰搖首曰全未

全未尚畏之在屏音丙退也斷去聲又嘗與絢謀盡誅宦

官恐濫及無辜絢密奏曰但有罪勿捨有缺勿

補自然消耗至盡宦者竊見其奏由是益與朝

士相惡南北司如水火

惡去聲○水火喻相克而不相生也

范氏曰宣宗挾摘細微以驚服臣下小過必罰而大綱不舉欲以一人之智周天下之務而不能與賢人共天職也豈人君之德哉其視補相之臣禮貌甚恭而心實防之如遇胥吏惟恐其敗也拘之以利祿憚之以威嚴故所用多流俗之人而賢者不能有所施設也令狐綯謀除宦官之法雖善終不面陳之而露諸奏牘易所以有不出戶庭之戒歟上餌方士藥疽發於背而崩在位十三年改元

太中長子立是為懿宗皇帝

長子聲

范氏曰宣宗之治以察為明雖聽納規諫而性實猜刻雖吝惜爵賞而人多僥倖外則藩方數逐其帥守而不能治內則宦官握兵柄制國命自如也然百官奉法政治不擾海內安靖幾十四年繼以懿僖不君唐室壞亂是以人思太中之政為不可及書曰自成湯至于帝乙罔不明德恤祀若宣宗者豈不足為賢君哉

懿宗皇帝

初名溫封鄆王以無寵不得為太子

宣宗崩宦者王宗實立之更名灌更音庚灌取猥反○

咸通元年浙東賊裘甫作亂以王式為浙東觀

察使討斬之○三年置戒壇度僧尼○九年桂

州戍卒作亂桂州屬廣西今靖江府先是南詔稱大理皇

帝舉兵入寇陷播邕交趾播邕二州名播在南夷邕屬廣西敕

徐泗兵戍桂州過期不代遂作亂推糧料判官

龐勛為主擁兵北還所過剽掠至徐州因殺節

度使陷諸郡泗州名屬淮西即臨淮郡詔遣康承訓討之以

沙陀朱邪赤心為前鋒勛敗死賜赤心姓名李

國昌為大同軍節度使尋又為振武節度使赤心

執宜子也大同軍節度使雲中郡○十二年帝幸安

國寺

設萬人齋

○十四年遣使迎佛骨至京師使詣

法門寺迎佛骨羣臣皆諫至有言憲宗迎佛骨

尋晏駕者上曰朕生得見之死亦無恨遂膜拜

流涕宰相以下競施金帛○書法曰此憲宗詒

謀之效也懿宗幸安國寺則設齋萬人迎佛骨

帝

在位十四年改元咸通子普王立是為僖宗皇

史斷曰懿宗器本凡庸流於近習所親者巷

伯所昵者桑門以蠱惑之侈言亂驕淫之方

寸欲無怠忽得乎及釁結蠻陬姦生成卒五

嶺轉輸寰海動搖而況小人在位納賂崇私
專權亂政大臣忠諫斥逐遐方是以干戈蔽
野窮歲彌年上下相蒙百姓流殍相聚為盜
蝟毛而起帝於是時方且削軍賦而飾伽藍
困民財而脩淨業今年幸安國寺明年迎佛
骨未幾帝遂晏駕良可歎夫

僖宗皇帝

名僖懿宗少子也年十三為宦官所

立

僖 瞋 環 二 音 必 為 皆 去 聲

自懿宗以來奢侈日甚用兵不

息賦歛愈急水旱不以實聞百姓流殍無所控

訴所在相聚為盜

平表反 饑死 人也 控告也

濮州人王仙

芝起曹州冤句人黃巢應芝之巢善騎射喜任俠

嘗舉進士不第與仙芝共販私鹽至是聚眾攻

剽州縣窮民歸之數月至數萬句音飴應騎皆去聲○濮州曹

州皆屬山東仙芝攻陷汝鄭唐鄧寇鄂州陷安

州寇荆南與招討使曾元裕戰於申州而大敗

又大敗於黃梅斬之汝州屬河南鄂州屬湖廣即江夏郡安州屬四川申

州屬河南今信陽州黃巢陷鄆沂濮掠宋汴南

渡陷洪虔吉饒信寇宣州入浙東為鎮海節度

使高駢所破遂趨廣南陷廣州出潭州北渡向

襄陽敗於荆門復引而南陷宣州自采石渡江

已而渡淮陷申州入潁宋徐兗之境陷東都引而西入潼關入長安上出奔蜀巢僭號大齊皇

帝

為去聲○沂州屬山東宋汴潁三州屬河南
洪虔吉饒信五州屬今江西潭州屬湖廣即

長沙郡

諸道發兵赴援

援音院
救也

先是沙陀李國昌

之子克用為兵馬使戍蔚州大同軍諸將謀曰
今天下大亂朝廷號令不復行於四方此正英
雄功名富貴之秋李振武名聞天下其子勇冠
諸軍若輔以舉事代北不足平也遣人潛詣蔚
州說克用克用趨雲州取之河東昭義兵討之
而大敗克用寇沂代逼晉陽已而大為盧龍兵

所破蔚朔兵亦討敗其父國昌父子亡走達靼

使復冠為皆去聲說晉稅達音恒韃音旦○蔚州雲州皆屬北平李國昌時為振武節度使故

曰李振武也忻州屬山西達靼本韃韃之別部也居于陰山至是朝廷赦其

罪召其兵討賊克用將沙陀來賊憚之曰鴉軍

至矣連破賊復長安巢焚宮室而遁至蔡州節

度使秦宗權降之巢趨汴州克用等追擊大破

之未幾賊黨斬巢以降克用軍皆服黑○克用

之至汴州也朱全忠襲之全忠者巢將朱溫也

先為巢所遣攻陷同華尋以華州降賜名全忠

為宣武節度使去聲○同華二州並屬陝西汴州號為宣武節度克用

至汴州全忠館之甚恭克用乘酒頗侵之全忠不平發兵圍驛攻之克用醉左右以水沃其面告之克用乃張目援弓起而走會大雷雨晦冥扶醉乘電光縋城出汴人扼橋從者力戰得度而免克用還晉陽治甲兵表乞討全忠詔和解之不聽

縋音墜繩懸而下也從去聲

范氏曰天子所以制御天下者賞善罰惡辨是非枉直使人各當其所務各安其分而不相侵暴也克用有復唐室大功而全忠輒欲殺之克用不敢專兵復仇而赴訴於朝廷是

諸侯猶有尊王室之心也為天子者詰其孰
是孰非使征伐號令出於天子則誅一鎮而
天下莫敢不從矣僖宗則不然知其直者而
不恤置其不直者而不問不惟全忠無所忌
憚而克用心亦不服欲兩存之乃兩失之自
是藩鎮喜相征伐不復稟命以天子不足訴
也書曰有罪無罪惟我在曷敢有越厥志刑
罰者所以為天討也王者之於天下懲勸可
不明哉

車駕發成都至京師上之奔蜀也宦者田令孜

實挾之自以為功權自已出

茲改音

河中節度使

王重榮專安邑解縣鹽池令孜奪之遣邠寧節

度使朱玫等攻河中

解去聲
玫音救

重榮求救於李克

用克用方怨朝廷不罪全忠上言玫等與全忠

相表裡欲共滅臣臣不得不自救引兵赴河中

京師震恐令孜劫上奔鳳翔朱玫追逼不及立

肅宗玄孫襄王煜為帝玫將王行瑜斬玫煜奔

河中重榮斬首送行在上還長安

煜音
二音

煜上在

位十五年改元者五曰乾符廣明中和光啓文

德日與宦官相處而已天下大亂盜賊逢蠱起豪

傑因起其間互相吞噬朝廷不能制上崩壽王

立是為昭宗皇帝

震上聲

史斷曰僖宗以童孺之年為宦者所立政在
內臣初無遠謀苟聲色毬獵足饜其欲則政
事一以付之固無恠矣巢寇本區區負販乘
飢鼠竊何足以媒大亂正由王室衰微奸回
誤計不五六年間攻陷州郡渡江渡淮如越
無人之境遂陷兩都汙穢宮闕乘輿播遷投
身無所時事寢乖天星示變或交流如織或
大如杯椀其為譴異抑又甚矣

昭宗皇帝

名傑僖宗之弟也僖宗大漸宦者王

復恭立之為太弟遂即位更名敏後又更名曄

明粹有英氣喜文學以僖宗威令不振朝廷日

卑有恢復前烈之志踐阼之始中外忻忻焉然

而內制於宦寺外有強鎮初志竟不遂大漸謂疾篤也

○更音庚○鳳翔李茂貞華州韓建邠州王行瑜三

鎮舉兵犯闕殺宰相謀廢立聞李克用來討乃

去克用攻邠州斬行瑜將移兵岐華貴近恐沙

陀太盛止之克用自隴西郡王進爵晉王引兵

還晉陽

華去聲將音獎○岐即鳳翔府華即華州

胡氏曰克用於三鎮非有父兄之怨特為王室雪恥仗義而來昭宗不明陰疑克用偏黨茂貞他日困辱凶終蓋始乎此謀矣又曰克用於是正當八覲力陳茂貞不誅必為後患之意不然將在軍君令有所不受蕩清岐華駐師郊畿釋戎服以見天子身輔朝政脩明紀律使東寇不得西畧王室安矣釋此不為而區區疲力於幽州爭地於慈隰遂使全忠先手遂移唐祚晉陽岌岌幾不自保豈非初謀之不遠也歟

初克用屯渭北茂貞建憚之事朝廷甚恭克用
去二鎮復驕慢茂貞舉兵犯闕上出奔華州克
用遣援又聞全忠營洛陽迎駕茂貞與建皆懼
奉上還長安

遣援謂遣
兵救援也

范氏曰唐末藩鎮惟李克用最為有功雖嘗
跋扈而終不失臣節若倚為藩扞使太原之
勢常重則諸鎮未敢窺唐也而唐疑而不信
是以不競於汴而全忠獨強吞噬諸鎮卒滅
唐室自古忠者不見信而所信者不忠豈有
不亡者乎

先是嘗令諸王將兵巡警又欲使出四方撫慰
藩鎮南北司用事者恐其不利於己交諫以為
不可上不得已罷之上在華時宦官劉季述圍
殺諸王十一人

胡氏曰御得其道則昆蟲草木無札瘥夭閔
之患不然一身無所容於天地之間况妻子
哉古之明君所以不敢不敬德不敢不教子
不敢用小人不敢失大柄為易世之後末流
之若此也唐室至此豈非祖宗詒謀有未孫
歟

至是季述幽上於少陽院而立太子裕同平章
事崔胤說神策將孫德昭討誅季述上復位少
陽院說音輒內○宦官謀去胤時朱全忠有挾天
子令諸侯之意胤以書召之全忠舉兵來宦者
韓全誨等劫上如鳳翔全忠圍之茂貞遂殺全
誨等奉上還長安去上聲

范氏曰崔胤本與韓全誨有隙故各倚強藩
以為外援而岐汴亦憑宦臣宰相以制朝廷
故胤召全忠而全誨劫帝西幸唐室之亡由
南北司相吞滅而人主受其禍豈不足為將

來之永監哉

全忠以兵驅宦官盡殺之其出使外方者詔所在誅之唯存黃衣幼弱三十人備灑掃宦官自文宗以後廢置在其掌握至有定策國老門生天子之號及是大被誅殺全忠由東平王進爵梁王還汴

以其有策立天子之功故稱國老以視天子如試官之視舉人故稱門生

司馬公曰宦官用權為國家患其來久矣蓋以出入宮禁人主自幼及長與之親狎非如公卿進見有時可嚴憚也其間復有性識儼

利語言辨給善伺候顏色承迎志趣受命無
違忤之意使令有稱愜之效自非上智之主
燭知物情慮患深遠侍奉之外不任以事則
近者日親遠者日踈甘言卑辭之請有時而
從浸潤膚受之愬有時而聽於是黜陟刑賞
之政潛移於近習而不自知如飲醇酒嗜其
味而忘其醉也東漢之衰宦官最名驕橫然
未有如唐世者無他漢不握兵唐握兵也蓋
其禍始於明皇盛於肅代成於德宗極於昭
宗而唐之宗社因以丘墟矣為國家者可不

慎其始哉夫寺人之官所以謹閨闈之禁通
內外之言安可無也如巷伯之疾惡寺人披
之事君鄭衆之辭賞呂強之直諫曹日升之
救患馬存亮之弭亂楊復光之討賊嚴遵美
之避權張承業之竭忠其中豈無賢才乎顧
人主不當與之謀議進退士大夫使有威福
耳果或有罪小則刑之大則誅之豈可不察
臧否不擇是非欲草薶而禽獮之能無亂乎
故袁紹行之於前而董卓弱漢崔胤襲之於
後而朱氏篡唐雖快一時之忿而國隨以亡

哀哉

全忠威震天下有篡奪之意胤懼為之備全忠
表請除胤密使其黨殺之遂請上遷都東京促
百官東行驅徙士民上謂侍臣曰鄙語云紇干
山頭凍殺雀何不飛去生處樂朕今漂泊不知
竟落何所泣下沾巾上至洛陽李茂貞等移檄
以興復為辭全忠將西討以上有英氣恐生變
遣人入洛弒之上在位十六年改元者七曰龍
紀大順景福乾寧光化天復天祐子立是為昭

宣皇帝

樂音洛紇
下沒反

史斷曰昭宗天姿明雋有恢復前烈之志然
當是時奸臣擅權藩鎮跋扈而官官方恃功
驕恣自號定策國老斥天子為門生疾成膏
肅不可救藥可勝歎哉是故始則張濬覆軍
於平陽增李克用不平之志中則楊復恭亡
命於山南啓宋文通不臣之心終則兵交闕
庭矢及宸衣漂泊莎城流寓華陰幽辱東內
劫遷岐陽流離東都至不得已遣使持密詔
告難於四方而不聞一人惻然赴難者事勢
至此瓦解土崩悲夫

昭宣皇帝初名祚昭宗有廢太子裕已壯全忠惡之祚以幼得立更名祝全忠殺裕等九人皆昭宗子全忠為相國加九錫帝在位仍稱天祐不四年禪于梁尋被弑唐自高祖至是二十世凡二百九十年而亡

惡去聲
更音庚

史斷曰昭宣之時天祿已去民心已離盜賊遍於寰區蓬蒿塞於城闕雖欲不亡其可得乎迹唐之有天下雖歷二十君然為子所逼奪者三焉為婦所乘者三焉為賊所弑者五焉為妻所殺者一焉為宦官所立者七焉為

所弑者三焉為所廢者一焉為方士所敗者
七焉其不為小人所惑者一二而無全德者
矣昔三代之君莫不脩身齊家以正天下而
唐之人主起兵而誅其親者謂之定內難偏
父而奪其位者謂之受內禪始也納君之妾
其後納父之妾者有之始也亂弟之婦其後
亂子之婦者有之此其閨門無法不足以正
天下亂之大者也故或變生於內或亂作於
外未有內外無患承平百年者也攷論三代
而下漢四百年唐三百年享國最為長久者

何哉蓋漢大綱正唐萬目舉其治具皆有可
觀然漢治雜霸唐治雜夷其治體之厯駁視
三代天地懸絕矣

古今歷代標題註釋十九史畧通攷卷之五







